

መድረሰት ሴድዮት ኔርስ አስመራ፡ 348 ደረሳህ አድሐረት



እት ዐዲ-ሃሎ ለህሌት መድረሰት ሴድዮት ኔርስ አስመራ፡ እግል ሐል ወሰር እብ ፍዕል ወሽሬሕ

ለአድረሰቶም፡ 84 ምእታይት ምኖም አዋልድ ላተን 348 ደረሳህ፡ ማሌ 6 ማዕ ዲብ ቃዕት ኤክሰፖ

አድሐረት፡

ሙዲርሊ መድረሰት አሰይድ በረኽት ገብሬሰላሴ እት አስመዐየ

ጋምብዩ፡ ልኡክ ኤረትርዮ ዲብ እጅማዕ ሕቁቅ አፍሪቃያም

መስኦል ሸኡን ተንፊዝየት ሰፋረት ኤረትርዮ ዲብ ኢትዮጵያ ወሳብት ወኪልና ዲብ እትሓድ አፍሪቀ ወመፈወድየት እቅትሳድ አፍሪቀ፡ አሰይድ ቢንያም በርሄ፡ ለመርሐ ልኡክ ኤረትርዮ ምን ዮም 2 አስክ 22 ማዕ ዲብ ባንጃል-ጋምብዩ እት ገብእ ለሀላ 83^ይ እትጅማዕ ርቱብ፡ መፈውድየት ሕቁቅ አዳም ወሽዑብ አፍሪቀ ከሊመት አስምዐ፡

ዲብ እት ዮም 3 ማዕ ለቀደመየ ከሊመት አሰይድ ቢንያም፡ እድንያይ ገዛም ዲብ ወራት ተዐዲል ሻፍገት፡ ገዛም ቅዋት ዐሚም ህዩ ዲብ መርሐለት

መዐደዩት እት ሀላ እቱ ወክድ፡ ሸከረት አፍካር ናይላ ለሐውን ለሀላ ገዛም፡ ግረ እለ ክም ኦሮት ሕርያን ለገብእ እቱ ወክድ ክም አክተመ እንዴ ሐበረ፡ ዮመቴ አፍሪቀ፡ አጃንዳት ሕቁቅ አዳመ እብ መጅብ አውለውያተ ለትመልክ ወትራቅብ እቱ ወክድ ክም ትበጽሐ፡ ድወል'ላ ቃረት ህዩ ዲብ ሕፍዘት ሕቁቅ አዳመ ወሽዑብ ገደ መሻርካይ ለገብእ እብ በክት ራክብ ክም ሀላ ሸርሐ፡

“ሕቁቅ አዳም” ዲብ ሐልፈየ ሰኖታት ክም ህግዩ ቅብብ ድወል አፍሪቀ እንዴ ገብእ ከድም ክም ጸንሐ ለሸርሐ ወፍድ ኤረትርዮ፡

ሕኩመት አሚርክ ዲብ ቀድየት ተምዊለ “መትጸገት ሕቁቅ ወድ አዳም” ለልትበሀለ ምን ሕኩመት በረ ላተን ተጀመዓት ለፈድሐተ አማን፡ አግደ ወራትለ መትዛም ወመአሰሳት፡ አጃንዳት ስዩሰት ለመውላህን ወነሽር ደዓያትለ ሰድያህን ለአከደ ክምቱ አፍሀመ፡

ልኡክ ኤረትርዮ ዲብ ደንገብ፡ ድወል አፍሪቀ መስኦልየት ሕፍዘት ወደማነት ሕቁቅ ወድ አዳም ወሽዑብ እግል ልርፍዐ፡ አውለውየት ደረጃት ሕቁቅ ወድ አዳም ህዩ አውለየትለ ዐበ ክፋል ሽዑብ አፍሪቀ ለለአርኤ እግል ልግበእ ክም ወጅብ ሸርሐ፡

ባጼዕ፡ መርከዝ ተእሂል ሸቃለ ለአድረሰዮም ልትደሐሮ

እት መዲነት ባጼዕ ለሀላ መርከዝ ተእሂል ምህናት ሸቃለ፡ እግል መደት ሰበ ወሬሕ እብ ፍዕል ወሽሬሕ ለአድረሰዮም 42 አንሳይት ለብእቶም 162 ሻብ ዲብ ዮም 1 ማዕ ትደሐረው፡

ለተእሂል ዲብ መጃላት ኤሌክትሮኒክስ፡ ከህረቡት፡ ጸራብ ዕጪይ ወሐጺን፡ ኮምፕዩተር፡ ኔትዎርክን፡ ገዛም ተብሪድ ወሐፋነት ወቴክኖሎጂ ኮምፕዩተር ለከምክም ዐለ፡

ናይብ ሙዲርሊ መርከዝ መሀንድሰ አኽሊሉ አስመሮም እት

ቀደመየ ከሊመት፡ እትሊ ናይ ዓይት ኢነት ተእሂል፡ ለሻረከው ምን ክሉ አቃሊም ለመጽሐው ክምቶም እንዴ ሐበረ፡ ዲብ ተእሂል ለትሳደው ምስሎን ሰብ ሸርከት ሸቅል ሐመደ፡

መርከዝ ተእሂል፡ እግል ዳይመት ወደማን ለበ ዐቦት ለሰዴ ክምቱ ለሐበረ፡ ዲብ ውዛረት ተዐሊም መስኦል ቅስም ተዐሊም ቴክኒክ፡ ምህናት ወተእሂል አሰይድ ተስፋይ ሰዩም እብ ጀሀቱ፡ ለደርሰው ለከሰበወ አምር እብ ዋጅብ እግል ልትነፍየ እብ አትፋቀደ፡

ወኪለ ደርሰው እብ ጀሀቱ፡ ዲብ ረአሰለ እሉ ነስአው ተእሂል ምህናት፡ ምን ሕድ ተጃርብ፡ ፍቱ፡ ውፋቅ ወውሕደት ከም ከሰበው እንዴ ሸርሐ፡ መትሐሳር ሙደርሲን ሐመደ፡

ሓክመት አቅሊም ቅብለት በሐር ቀየሕ አሰይደ አስመረ አብርሀ ህዩ፡ ኮንፈደራልየት ሸቃለ ኤረትርዮ መቅደረት ምህናት ሸቃለ እግል ትትወቀል ትወድዩ ለህሌት ጅሀድ፡ ዲብ ሄራር ዐቦት እቅትሳድ ለሀህሌ እግሉ ዶር ቀሊል ክም ኢኮን እንዴ ሐበረት፡ ለህሌት እቱ ወክድ ካድም ወመትሰባል ለጠልብ ሰበት ቱ፡ ሰዳይት እዳረት ከም ኢትትፈንተዮም አከደት፡

እት ደንገብ፡ ለትደሐረው ሸሃዳት ወለፈደበው ህዩ ጀዋእዝ ተሀየበው፡ መርከዝ ተእሂል ምህናት ሸቃለ ባጼዕ፡ ዲብ ሰቦ ደውረት 480 አንሳት ለብእቶም 1467 ሸባብ እድሐር ሀለ፡

ከሊመት፡ እት ወሬሕ ሰብተምበር 2023 እት መዕሀድ ተእሂል መደርሲን ወራታተ ለአንበተት መድረሰት ሴድዮት ኔርስ አስመራ፡ ምን ገጽ ሐር ዲብ ዐዲ-ሀሎ እንዴ ገዐዘት ክድመተ ክም አተላሌት እት ወዴሕ፡ ደረሰ እት ለትፈናተ መአሰሳት ዓፍየት ድሩሰ-ፍዕል ክም ነስአው አብረሀ፡

እት ውዛረት ዓፍየት ሙዲር ፈሬዕ ጠወሮት መቅደረት አዳም እት ውዛረት ዓፍየት ዶክተር ብርሃኔ ደብሩ ህዩ፡ ዮም ዓመት ምን አርብዲተን ለመዳርስ ሴድዮት ኔርስ፡ ሐድ 700 ሰብ ምህነት ክም ትደሐረው እት ሸሬሕ፡ መጃል ዓፍየት መቅደረት ውቅል፡ መትሰባል፡ አደብ ወገለድ ሳብት ለጠልብ ሰበትቱ፡ መትድሕረት ምህነቶም እግል ልጠውሮ ወእት ክድመት ሽዕቦም ሰብላም እግል ልግብእ ትፋክ፡

ዕለት መድሐራቶም ምን ደረሰ

ዲብ ሰብ ምህነት ለትዐድዮም፡ እግል ረክበው አምር ወተጃርብ ህዩ እት ፍዕል እግል ለአውዕሎ፡ ገለድ ለበይኦ እት ዕለት ክም ተ ለሐበረት ወኪለት መትድሕረት፡ “እምበል ድፎዕ ለአድረሰውነ ሽዑብን ወሕኩመትነ ፈኮም እግል ንፍደዮም ቱ” ትቤ፡

ናይ ዶሉ ሙዲር ዓም ፈሬዕ ስትራተጅየት ወመቅሬሕ ጠወሮት መቅደረት አዳም እት ውዛረት ዓፍየት ዶክተር ብርሃኔ ደብሩ ህዩ፡ ዮም ዓመት ምን አርብዲተን ለመዳርስ ሴድዮት ኔርስ፡ ሐድ 700 ሰብ ምህነት ክም ትደሐረው እት ሸሬሕ፡ መጃል ዓፍየት መቅደረት ውቅል፡ መትሰባል፡ አደብ ወገለድ ሳብት ለጠልብ ሰበትቱ፡ መትድሕረት ምህነቶም እግል ልጠውሮ ወእት ክድመት ሽዕቦም ሰብላም እግል ልግብእ ትፋክ፡

እት ደንገብ፡ እግል መትድሕረት ሸሃዳት ወእግል ሰለስ ፈዳብያም ህዩ መዳልያት ወጀዋእዝ ተሀየቤ፡

መድረሰት ፈንዩት አስመራ፡ አላት ሐዲስ ትወትድ



ሕኩመት እበ አፍገረቱ ማል፡ ዲብ መድረሰት ፈንዩት አስመራ ለዐለ መሐዝዝ አላት አድረሶት እብ ሐዲስ ወዋወር ምን ትበደለ፡ በቃዕት ደረሰ ተሐይስ ክም ሀሌት ትሸርሐ፡

ሙዲርሊ መድረሰት መምህር ሰመሬ ወረዴ እት ሀበየ ሐብሬ፡ ዲብ ደረሰ እብ ፍዕል ለደርሶ እቱ አፍሱል ምን ሸቅል በረ ጋብእ ለዐለ ማሸናት፡ እብ ሐዲስ ወዋወር ምንዲ ትበደለ፡ ዲብ ወራት ደረሰ ወአድረሶት ዶር ዐቢ ቀድም ክም ሀላ አብርሀ፡

ለልትሀየብ ምህር፡ ብነ ዓም፡ አሰነዮት መካይን፡ ኤሌክትሮኒክስ፡ ከህረቡት፡ ጸራብ ወአሸቃል ሐጺን ወዕጪይ ከም ሸምል እንዴ ሐበረ፡ ደረሰ ናይ ክልኤ ሰነት ድራሰቶም

እንዴ ኢለአተም ለእሉ ነስአው ተእሂል ምህናት ለሸርሕ አሸቃል ከም ወዱ ሸርሐ፡

ሙደርሲን እብ ጀሀቶም፡ ቀደም እለ ለዐለ ማሸናት እንዴ አበረ ምን ሸቅል ባዋር ሰበት ዐለ፡ ዲብ ሸቅሎም ተአሲር ክም ዐለ እግሉ እንዴ ሐበረው፡ እትሊ ወክድ እሊ ርኩብ ለሀላ አላት ዋወር ተአሲሩ ዲብ በቃዕት ደረሰ ክም ልትርኤ ሸርሐው፡

እት ሰነት 1954 ለተአሰሰት መድረሰት ፈንዩት አስመራ፡ አስክ እለ 10,500 ደረሳይ እብ ዲፕሎም ወሸሃደት ከም አድሐረት፡ ዮም ዓመት ህዩ ሐድ 300 ናይ አወላይት ሰነት ድራሰቶም ታብዖ ክም ሀለው ወሳይቀ ለሐብር፡

መርበይነ፡ ደፊዕነ!



እግሪ መኸል፡ ዝያረት ዲብ ኣሳር ገብአት



መሬወድ ዓዳት ወርያደት ሰፊር ዘመዴ ተክሌ ዲብ እግሪ-መኸል፡ ምዓል ኣርሓ ዲብ ትትበህል ኣካን ለትረከበ ኣሳር ታርፌ ገዲም እግል ልርኤ፡ ዲብ ዮም 2 ማዮ ዝያረት እንዴ ወደ ምስለ ከሰሰን ጅሃት ሀድገ።

እቲ ሓክም ኣቅሊም ግብለት ወብዕዳም መስኡሊን ለሐድረወ ዝያረት፡ ዲብ ክልኤ ደርበት እብ ሰበትለ ገብአ ታያን ወሐራር ለትረከበ ኣሳር ታርፌ ለትከሰስ ሐብሬ እብ ሰብ መቅደረት ተህየበት።

ሰፊር ዘመዴ ለገብአ ኣሳር ዲብ ኣካንለ ኣሰሉ እት እንቲ፡ ድራሰት እግል ትግበእ እቲ ወሐብሬ ታመት እግል ትትረከብ ወትትኣከብ ምኑ ክም ለኣትሕዜ እንዴ ሐበረ፡ በራምጅ ዐማር ዲብ ልትሸቂ እቲ ወክድ ለልትረከብ ኣሳር መንገፎህ እግል ትትደመን ክል መዋዋን እግል ልሻርክ ኣትፋቀደ።

መስኡል ፈሬዕ ብሐሰ ወውርስ ኣሳር ሐዳረት ቀዳሚት ዶ/ር ጸጋይ መዲን፡ ምስል ሰካን ዲብ

ወደየ ህድግ እቲ ሓለፊየ ልእከት፡ ዲብ ባካት ርኩብ ለህለ ዓጭሞታት ኣዳም ወኣግቡይ ቀብሩ ፍንቲይ ክምቱ እንዴ ሸርሐ፡ እግል ዝያድ ድራሰት ሳልሰይት ደርበት መንገፎ ኣሳር እግል ሊደው እግል ልትዓወኖ ዱልያም ክምቶም ኣከደ።

ሓክም ኣቅሊም ግብለት ኣሰይድ ሀብተኣብ ተሰፋጽዮን እብ ጀህቲ፡ እንቡት ለህለ ሸቅል ዲብ ካቲመቱ ጀሳብ እግል ልብጻሕ እቲ ገብእ ሸቅል፡ እዳረት ወሸዐብ ዐደድ ቅድረቶም ሰዳይት ክም ወዱ ኣፍሀመ።

ዲብ ኣውርሐት ጁን ወዲሰምበር ሰነት 2024 እብ ሰብ መቅደረት እብ ገብአት ወራት መንገፎ ኣሳር፡ እብ ኣግቡይ ፍንቲይ ለትቀበረ ኣሳር ወድ ኣዳም ወእብ ኣሰራዲ ለትሸቀ ሰርገ፡ ኣሻም ወኣክልዐት ክም ትረከበ ለልትዘከር ቲ።

እግሪ መኸል ምን መዲነት መንደፈረ ዲብ እንክር ግብለት ምውዳቅ ጽሓይ 7 ኪሎምትር ራይመት ለህሌት ኣካን ተእሪካይት ቲ።

ዝያረት መሕበር ሰዳይት ክፈል ዴሽ 70 ወ16 እት ዴሽ ዐማር

ኣንፋር ማሕበር ሰዳይት መናድሊን ክፈፍል ዴሽ 70 ወ16 ለዐለው ዲብ ጋዴን፡ ደቀምሐሬ ወዐዲ ሐወሽ፡ ዲብ በራምጅ ዐማር ፍሩራም እግል ህለው ኣንፋር ቅዋት ድፋዕ እግል ለኣትናይቶ፡ ዮም 03 ማዮ ዲብ ሰለስ መጅመቦት እንዴ ትካፈለው ዝያረት ወደው።

ለኣንፋር ማሕበር፡ ዲብ ጋዴን ልትሸቂ ለህለ ከዋን ሰረደቀ ዲብ በጽሐው እቲ ወክድ፡ ለሸቅል መሬሕ ለህለ መሆንድስ ኣማኑኤል ተክሌ፡ ለብናህ ዲብ ወሬሕ ኣፕሪል 2024 ለኣንብተ ከዋን፡ ከም ተመ፡ 40 ምትር ቁሪን ወ40 ምትር ሰምዋ ከም ለህሌ እግሉ ወዝያድ 2 ሚልዮን ምትር መክዐብ ማይ ክም ጸብዋ ሸርሐ እግሎም።

እምበል እሊመ፡ ወራት ብናህ 85 ምእታይት ለተመ፡ 19 ብሎክ ወሰለስ ባስከት ማይ ነዲፍ ወክልኤ ርስሐት ጥልት ለትጀማዕ

እቲን ባስከት ለከምክም መሸርዕ መድረሰት ቦርዲን ቅያደት ምግብ በጽሐው።

እት መዲነት ደቀምሐሬ ልትሸቂ ለህለ መትሐፍ ሹህደእ እግል መትፈራጅ ዲብ ገብአት ዝያረት ህዬ፡ ለ665 ምትር መረባዕ ርሕብ ለቡ መሸርዕ ዝያድ ሐቲ ኪሎምትር ከሌብ፡ 30 ምትር ተምሳል፡ ዕጩይ፡ ዕምቦባ፡ ወውሕደት ቆምያት ወለትደፍዐ እስትሸሃድ ቃሊ ለሸርሕ ዐላይም ከም ሸምል ትሸርሐ።

እሊ ክእን ዲብ እንቲ፡ ትትበኔ ለህሌት መቅበረት ሹህደ ላምዛ ስሓርቲ ለበጽሐው ኣንፋር ማሕበር፡ እብ ጀህቶም፡ ለዲብ ወሬሕ ጁላይ ሰነት 2023 ለኣንብተ ሸቅል፡ ዲብ 3 ሄክታር ርሕብ ለትዳለ 886 ምትር ለራሙ ከሌብ ለከምክም ክምቱ ለሸቅል መሬሕ ለህለ ኣሰይድ እዮብ ፍሰሓጽዮን ኣብርሀ።

እሊ መሸርዕ እሊ፡ 30 ምትር

እግል ብዋረቱ ተምሳል ማይ ለልትጀራብብ ምን ክልኤ ባስከት ማይ፡ 40 ምትር መረባዕ ርሕብ ለቡ መክዘን ሐን ኣርድ፡ መክተብ ወእግል ዴደባን ለገብእ ኣብያት ወ1500 ዕጩት ከምክም።

እቲ ዲብ ጋዴን ወደቀምሐሬ ለገብአት ዝያረት ቃእድ ቅያደት ምግብ ብርጋደር ጀነራል ተኸሌ ክፍላይ ወሓክም ኣቅሊም ዐንሰበ ሰፊር ዐብደለ ሙሰ ለብእቶም ሰብ ሰልጠት ወማርሐት ዴሽ ኣድራም ዐለው።

ዲብ ሰለስ ለመናሰበት፡ መመቅረሐት ወኣንፋር ክፈፍል ዴሽ 70 ወ16 ወቅያዳት ናይለ ዲብ ሸቅል ክስኣት ለህለየ ውሕዳት ጀብሀት ምግብ፡ ዶር ዴሽ ወሸዐብ እት ሸቅሎም ለለሐምድ ከሊማት ለኣሰምዶ ዲብ ህለው፡ እቲ ትዳለ ሕራብ ምስል ልወቃም ወዐለው።



ሳወ፡ ተእሂል ኣዳለዮት ሸፍር ጠቢዐት ተህየበ



ወዛረት ሐርስ “ግድፍን ርዝቅን” እብ ትብል ሰቅራት ምን ሰነት 2023 እብ ኣንብተቱ ምን ግድፍ ከሺነት ሸፍር ጠቢዐት ናይ ኣፍረዮት በራምጅ፡ ዲብ ኣዳላይ ሸፍር ጠቢዐት ወድድ ባልዲን ለረከዘ ተእሂል ምን ዮም 27 ኣፕሪል ኣሰክ 2 ማዮ እግል ኣንፋር መርከዝ ተድራብ ክድመት ወጠን፡ ሳወ ሀበት።

ኣግደ ሀደፍለ እብ ፍዕል ወሸሬሕ ለትህየበ ተእሂል፡ ናይ ከሺነት ግድፍ ኮምፖስት እንዴ

ትዳለ ምኑ ዲብ መርከዝ እቲ ገብእ ወራታት ሐርስ እግል ልውዐል ክምቱ ምን ደረሰው ሻብ ደርማስ ሰልጣን ኣብርሀ።

ለተእሂል፡ እብ ዓመት ዲብ ረሸዶት ጽብዋ ትርበት ለረከዘ ክምቱ እንዴ ሐበረው፡ መራብቀበት ባልዲን፡ ኣዳለዮት ሸፍር ጠቢዐት ወድድ ባልዲን ጠቢዐት እብ ሸክል ጥሉል ወይቡሴ ሰራይ ሔዋናት እብ ኣግቡይ ጠቢዐት፡ ክምስልሁመ ተእሊር ወመደረት ኣሰማም ባልዲን እት ድዋር

ለከምክም ክም ዐለ ኣፍሀመ። ርኢስ ናይለ ዲብ ሳወ ለወራት ታብዕ ለህሌት ልጅነት - ሌተናል ኮሎኔል ዓንደብርሃን ቲድሮስ እብ ጀህቲ፡ ኣህምየትለ ተእሂል እንዴ ሸርሐ፡ እብ ገበይ ቀላል ዲብ ድዋርክ ለህለ ኣጃት እቡ እንዴ ትኑፍዐኩ ትርበት ረዘቀት ወእተይክ ዓባይ እብ ፋይሕ እግል ልትለመድ ለወጅብ ኣብሳር ክምቱ ሐበረ።

ቃእድ መርከዝ ተእሂል ክድመት ወጠን ኮሎኔል ደበሳይ ግዴ እብ ጀህቲ፡ ለደርሰው ለከሰበው ኣምር ዲብ ብዕዳም እግል ለሓሉፋ ወልሸቀው እቡ እግል ልክደም ትፋኑ።

ለደርሰው ዲብ ሀበው ረኣይ፡ ክእን ለመሰል ተእሂል ዲብ ክለ ወጠን እብ ፋይሕ እግል ልትህየብ፡ ሸፍር ሰናዐት ወኣሰማም ባልዲን ህዬ መራብቀበት እግል ትግበእ እቲ ወሸፍር ጠቢዐት እብ ዐውል ረከስ እግል ልትቀደም፡ ወሐረስቶት ክም ለሙዱ እግል ልግበእ ኣትፋቀደው።

እፈትርየዐጸኣክ

ክል ኣርቡዕ ለትጠ'በዕ ጀሪደት

መዳልያይ፡
- መሐመድ እድሪስ

ለይኣውት ወኣርተየት
* ዘህረ ዐሊ
* ፋዋነ ኣድም

ተለፎን፡ 121797/201820 (258)
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡163471-07588045

ኣትኣመሮት፡
ተለፎን፡ 125013፡ ዕ.ሰ.ቡ፡ 1284

15^ይ ክፈለ

ምን ስህል ወስር ሐል። ፎጅኦት ሐቱ ዶል

እት ክምሰል እለ ሓለት መክረህት እት ኣነ፡ ለህግያለ ፋርስ ሽሂድ ሓምድ ቀይሕ እት ደሚርዬ ኣተውረደት እግልዬ።

አይወ! ክምሰል ሾከት ነጋድ ቀስ ኣበለተኒ። ለዐሊ ኣስተሸህደ እተ ኣምዕል፡ ዐሊ እንዲ ኣድህዩ፡ እግል ሓምድ “ሓምድ እግል መዐልም በዐል ክላሽን ሓልፍ በሉ” ሓቀለ ቤለዩ፡ ሓምድ እት ዐሊ እት ፈርህ “መዐልም፡ በዐል ክላሽን ሓልፍ ልብለከ ህለ ዐሊ” ቤሊኒ። እንዲ ኣትለ ሓምድ፡

እሊ ህዳይ ዐሊ እብ ለጀልጅ ፋቲሁ እግሉ ይህልኩ። ዮም ኣምዕል እግል ዐስር ሰቦ ዶል “ኣነ ኣስተሸህድኩ ምንዲ ገብእ” እት ልብል ዐላብኩ እግሉ እት ልብሊኒ ፈቀድኩ።

አናመ እብ ጀሆኹ ‘እንታመ ሚ ዶል ፋትያሙ እግልከ ዐልነ ህዳይ ለጀልጅ” ክምሰል እቤሉ፡ ኣዜመ እንዲ ኣትለ ደሚርዬ ለኢተኣስክብ ዘዐት ብህልዬ ዐለ። “መዐልም ሕነ እሊ እቱ ህሌነ መሳክብናቱ። ምን ሌህ ፎርቶ ሰርሐ ኢነሐልፍ” ክምሰል ቤሊኒ እብ ደሚር ሰፍሉል ወንዩት ሐጫር ረኣሼ ሐር ክምሰል ትወለብኩ እቱ። ዐሊ ምን ግረ ሰልኣስ ነፈር መሰደሱ እንክር ገለቡ እንዲ ኣተዘርረዩ ፊድዮ እትሳል ጸብዋ እት እንቱ ኣቅመትኩህ። መዳግም ላሊህ ኣምዕል ለህ ህዬ ለእግሉ ዳገምናቱ። ፈቃዲቶዬ ፋቀዲቶ ሐበንተ ለዐለት።

መካይን ኣስክ ሰንዐፊ እግል ብትሮል ልምለኣ ተን ለሽፍገ ለዐለዩ፡ መኪነት ቀደም ትሄርር ወኣነ ረኣሼ ሐር፡ ክምሰል ርኡም ውላደ እብ ኢምራደ ፍንቱዩ ኣተቅሳይ ወኣናካይ ሌጣ ገብኦ ጸገምዬ። ክልኤ ዕንቺ መትመላክዬ ኣበዩ። ህተንመ እበ ወያኔ እግል ቀሽ ወርዕብ እት ጋድሞታት ስሚጃን ትወድዩ ለዐለት እብ ሀይሊኩብተራት ባኩታት (ከረቶን) ትላክፍ ሰበት ጸንሐተነ ኡዳም እቱ ምንመ ኣምህደኩ፡ ደሚርዬ ላቱ ኣስክ እሉ፡ ምነ እቡ ሐስብ ለዐልኩ ኣቅባል እግልዬ ኣበ። ኣሕ! ኡፍ! ምነ እቱ ሽሙም ለዐልኩ ህም ላኪን ሐቱመ ይኣንቀሰዩ ምንዬ። እት ደንጎበ ህዬ (እስታቅፍር እላህ) እቤ እግል ልጃም ይእብተክ ወእት የም ሲርዬ ገብኣኩ። እት ክምሰል እሊ ተዋልል መሻቀላት ኢለኣትሐዘ። እንተ እግል ኖስከ ለእተ ተሓምስ ለህሌከ መራት ምስለ እቡ ትትሻቀል ለህሌከ ምስሉ ትሓምስ እተ ሰበት ህሌከ። ለፍርድ እግል ክለክም ዎርቱ ለዐለ።

ሕነ ወጽልመት ወወያኔ ምስል እት ሐቱ ጢሾ እት ኣድብር ዐይገ ሳዐት 9:00 ኣልዕሽ ተዓደርኩ። ሰልሲትነ ምስል እት ዐይገ እደይነ እግል ሞት ንትሓወል ኣማነት ኣሰለሐትነ ፋትሐከ። ዐይገ ኣድብር ወዓዱቅ እብ ዕጪይ ሻፍቅ ተ። ቀደም እለ ምሴት እለ እምበል ዎር-ዎርት ውላድለ ባኩት ለኢገብአው ለከይደ ወለ ለኣምረ የዐለው እትነ። ግምጨተ ወራትዐተ እንዲ

ይእንዲ እት ወክድ ጸልመት መጸኣናህ። ወህታመ እብ እሳት ትከበተተነ። ሕሩያም ምን ፍራሲነ እግሎም ፈንቱት ምኒኒ። ሕነ ወህተን እት ኣድሕድ ሽኣግኩ። ሕነ እግል ንደርከን ኣስክለ ምኑ ማጽኣት ለዐለዩ፡ ወህተን እግል ልሕለፋነ ኣስክለ እቡ ልትሐለመ ለዐለዩ ሞዳይ ሰላምኩ። ለእብ ሽፋቀት ዓጪይ ድበዕ ጋብእ ለዐለ ኣድብር ዐይገ እሳት እት ትሐዬ እቱ ትመዬት። ቃልያም ቤዛለ ቃልየት ትርብቶም እንዲ ወዲነ እቱ፡ ፈጅራታመ ወዐልናህ ወትመዬነ እተ። ሰር ላሊ ላኪን ኣንሰሕቦ ትበህልኩ።

እለ ኣምዕል እሉ፡ ኣምዕለ ቀዳሚት ሕኩመት ኤርትራዩ እብ ረሰሚ እንሰሓብ እግሉ ዕልንት ዐለት።

ክፈል ጃሽ 32 ምነ እግል ዝያድ ክልኤ ሰነት ለትሓረበ እቱ ከናድግ ወሳትሮታት ጀብህት ዛልንበሰ ለኣንሰሕብ ወዐለ። እት ላሊ 24/5/2000 እት 25 ለተኣጽብሕ ፎርቶ ሰርሐ ወሰንዐፊ እብ ቀዛይፍ ደባባት ወክድ ኣድሐ እት እንቱ እት ላሊ ትብደለት። እሊ ለክምሰል ዝላም ዘልም ለዐለ እግል ትርበት ሌጣ ኢኮን ለሐፍር ለዐለ። ምነ ፍራሲ ምሔርበትመ ለኣውሕድ ወለኣበዝሕ ቱ ለዐለ። ላመ ኣነ ለዐልኩ እተ ወእኪት ወሰኔት ለፊኤኮ ምስሉም ሰነንዬ ወመልሂቹ ሐይሊ ሽሂድ ዐሊ ዘራ፡ ወሐሬ ሐይሊ ወዲ ክንፊ ለትቀየረ እቱ፡ ጅዙእ ናይ ክፍል ጃሽ 32 እትለ ነገር ለህ ምነ ላሊ ወኣምዕል ክምሰል ኢልትደረክ ለሽቂቱ ድፋዓት ዛልኣንበሰ ተኣንሰሕብ ተ ለዐለት።

ሐርብ ክምሰል ክል ዶል ልትበህል ሕሩያም ወፋርሳም ለሐሬ ወነሰኢ። እብ ፍንቱይ ለሽረ እንዲ ፈርህ ኣቡዬ ሐሙድ ወድ ዕመር “ለሽረ እብንለ ወርወረ ልክለኣኩ ወልክለኣክም” እንዲ ቤሉ፡ ለእንዲ ደሐረ ለሳርሐዩ ወልዱ ሓምድ ሰዒድ፡ ምነ እግሉ እብ ኩብድ ዋልዳይ እት ፈርህ፡ ወሰርዐ ኪን ወእንሰር ለትዓደየ ለዐለ ቃዝፋት ሐርብ፡ ወክብዱ ጀዋ እት ተኣብሉ ኢሐር ወኢቀደም እት ትትወርወር ኣጤረረት እቱ ሓምድ ሰዒድ። ኣቤ! እለ ወዲት!!

ሽሂድ ሓምድ መሐሙድ ዕመር፡ ዐጃይብ ቱ ለመብህሉ፡ (ህግዩ ወድ ሐላል ወእት ዶላቱ ወእት ሐለ) ክምሰል ትትበህል፡ እት በዋር ጸንሐቱ። “ዐብደሉ፡ ሌህ ፎርቶ ሰርሐ ሕነ ኢነሐልፊ መናዝልናቱ” ለእግሉ ብህልዬ ለዐለ፡ ለእት ኣባይ ኢልርሕም ልቡ እንዲ ኢፈትዮ፡ እግሉ እብ ኣማውር ዐስከርየት እት ለኣንሰሕብ፡ ለእግል ክል ፈታዩ ወመልህዩ ለመዋዩ እዲሁ፡ እግሉ ዝናድለ ፍትዩ ብሬት እት ብሶት ኣባይ ወዌራይ፡ እት ሬሽን እበ ለክምሰል ዝላም ልትከፍከፍ ለዐለ ቃዝኣፍ ዌረት ምን ፎርቶ ሰርሐ እንዲ ኢፈግር፡ እት ረኣሰለ ፋርስ

እት ተኣጤርር መጸኣት።

ክልኤ እግረ ፋርስ ሓምድ ወድ ኣፍዐበት፡ “ከላሰ እለ የሐልፈ” ብህላት ለህለዩ እት መሰለ ናይ ደንጎበ ሄራረን እት ረኣሰለ እግሉ ፈቱ ትርበቱ ኣትካረመዩ። ኣይወ እለ ወደዩ፡ ፋርስ ኢነብር ተእሪኩቱ ለልትወረሰ ወልትደገም ክምሰል ልቡለ ለህኮት ወፈርህት ኢለኣምረ፡ ወኢለኣትዋይነ ክልኤ እግሩ ሄራረን እት ፎርቶ ሰርሐ ኣትመመዩ። ኣክፊኒ ሽረ እዲነ!! መትመሻይ እት ሻርዕ እዲነ እት መዲነት ኣፍዐበት፡ ወኣቅሉላይ እበ መሓዝለ ሽምሽም ኣስክ ገብገብ ወጽርጋይ፡ ወመትደራይ ወኣቅሉላይ እብ ሕሊል ሕዳይ፡ ወሰግም ኣስክ መዋቅለ ለደብር ለታኪ ክቢብ ብዕራይ ደንጎባሁ ገብኣ።

አይወ! ተቀም እብ ህጅክ ምስል ለዋልዳይ ለእብሚ ለኣከብሩኒ ለልትሰኣል ወለኣትንትን እግል ክል



ሽሂድ ሓምድ መሐሙድ ዕመር

ሐልፋይ ገበይ ኢትበጽሐ። ዐዩር እት ኣፍያት ወመትጋሳይ እት መቅደምለ ሕማር ዔደባይ ደንጎባሁ ገብኣ። ፋርስ ኣድሐ ወዲ፡ ወኣድሐ መይት፡ ወኣድሐ ልትሃጌ! ኣይወ! ክምሰል ብህሉ ኢትገዩሰ! ኣምር ረቢ ጀረ!

እለ ዐድነ እት ክል በልሽም ናይ ዕን፡ ወእት ክል ሰድር ምን ምድረ ኩብዝሓም ፍራሲ ተ ልትቀብር ከእበ ታእሪክ ልትፈረህ እብ ኣባዩ፡ እብ ውላደ ትትሐበን ወትሽንን።

እብ በኩቱ ገብእ ለእትለ ኣምዕል እለ እት ፎርቶ ለተርፈ ሓምድ ሰዒድ፡ ኢኮን ለምስሉ ዐለው ወለፍትዮም ምስሉቶም ለእት ጢሾ እስትሽሃድ ለትዐገለው ውላድለ ሴዕ ቆሚየት።

ካልኣይ ምድፈዐጂ ሽሂድ ኣድም መሐምድ ኪነ ወድ ናረ ምስለ ፍትዩ መልህይለ ኣማኑ ሓምድ መሐሙድ ዐመር ኣስተሸህደ።

ኣድም ኪነ መትሰሕቃይ ወመትልህያይ ንኡሽ እት እንቱ ክምሰል ዐቢ፡ ልትሃጌ ወለኣወቄ።

ምን ድግሙ ወመሐበሩ እግል ትትፈንቱ ለኢትመሽግ ሐየት በዐል ኤማን ውሓዋር ሳብት እት ሰዋትር ቱ ለዐለ።

ምነ ብዙሕ ለኣድም ደግሙ እግልዬ ዐለ፡ እት ሳምሐኒ ክልኤ እግል እድገም እግልክም።

ኣድም ትግረይት ክምሰል ህግዩ እሙቱ ለለኣምረ።

”እናስ ሰኒ ቅዙን እሲት ሰኒ ግርም ዐለት እግሉ። ለእናስ ኣድሐ ሽቅሉ ገይስ ወምሴ ዔረ ምንዲ ገብኢ፡ ምስለ እሲቱ ብዝሓም ሽባባት ጸንሕዎ። ህተ ለመቅደነ ብእሰ ሰበት ተኣምር እብ ክእኒ መሰምስ ተኣትኣምሩ ምስሉም ዐለት። “ወድ ሼክ ኢትፍረህ። እሊ ወድ ኣቡዬ ቱ። እሊመ ወድ ሐልቼቱ። ሌሂመ ወድ ዐመቼቱ። ወሌሂ ወድ ሓልዬቱ” እት ትብል ለማጸኣመ ለዐለው ኣንፋር ምስሉም ተኣትኣምሩ ዐለት። ህቱ ልቡ ልቡ እት እንቱ “ደሐን

ይእፈርህ” ልብለ ዐለ።

እለ ኣምዕል እለ ለተዋልለ የዐጅብዩ መሰለኒ፡ እብ ክእኒ ብለሰ እተ ልትበህል፡ ህተ ክምሰል እዩደ “ወድ ሼክ ኢትፍረህ” ሐቀለ ቱለ፡ ኩተልተለቶም እግሉ።

ህቱ እንዲ ቀንጸ እብ ክእኒ በልሰ እቱ፡ “እፈርህ ወእፈርህ። ላመ ተኣፍርህ እምበል እለ ውዲትኪ ሚ ኢኮን።

‘በዐል ኮፊት ይእንቲ፡ ወልፋፍ ትትብጠሪ እግሎም እብ ብጃመት ከፋፍ

እፈርህ ምነ ሰብለ ሽበዋ ለጅርቃፍ

እንቲ ትከሪ እግሎም ንጸፍ ወህቶም ዘርኦ እትኪ ጣፍ

ወድ ሼክ ግድም ገብኦ ልቡ ሽርፋፍ

ላም ልግበእ እትኪ ወካፍ’ ቤለዩ ልብለነ ዐለ።

ላመ ካልኣይት ድግሙ ክምእኒ ትብል፡

“እት ሰኒን ሰኒ ቅዱም ሞት ክምእነ ኣዜ ብዝሕት የዐለት

ወኣዳም ለኣምረ። ዎርት ኣግዕራይ እናስ ዑፋይ እት እንቱ ኣድሐ ኣሰር ኣጣሉ ለዐርግ ወልትከሬ ሐቀለ ወዐለ፡ ላሊ ረኣሼ እንዲ ኢልብል ምነ ሰካቡ እተ ካልእ ሰካብ ተዐደ፡ ኣቤ! ሞት።

እስቦሕ ክሉ ለደሀይ እት ረኣሱ ትጀምዐ፡ ወለ እናሱ፡ እግል ለህሩሱ ምንዲ ሐዘው ሽት ወሽታኒ ቤለዮም ከእበ እግሎም።

እሲት ሐልያይት ኣው ሴራይት እንዲ ኣምጸኣው እብ ክእኒ እግል ትሀርሱ ሰሩር ኣስመዐት እግሉ።

“ከረ ጸዐደ ወርከተ፡ ኣቅልዐት ኒደተ፡

ሐሶሴ የህ እናስ ኣጣልከ ትዋለደ” እት ትብል ለኣትሐሉወ እግሉ ዐለው። ልብለነ ዐለ ሽሂድ ኣድም ታእሪኮም ኢልትደግም ክራም ወያኔ።

እተ ዕለተ ሕርየትነ 24/5/2000 እት 25/5/2000 ለተኣጽብሕ እግሉ እብ ሕርየተ ለቀንኣው እግሉ እት ልትሓረብ ኣስተሸህደ። ኣድም መካብጡ ክቡድ ምንመ ዐለ፡ ኣርወሐቱ ላኪን ለመፈተይ ገርቡ ፍንታየት ሰበት የዐለት እብ ኣማውር ለፋርስ ሽሂድ ካፕቴን ዮሴፍ ክብርም “ኢነሐድጉ” ሰበት ቤሉ፡ ትንፋሱ ሰንዐፊ በጽሐ ምስሉም ወምን ሰንዐፊ ዐዲ ቀይሕ በጽሐ ወእተ ኣስተሸህደ። ክምሰል ሽሂድ ዐ-ሰማን መ/ ዐሊ ሰልማን (እስታቅፍር ኣላህ) ቀደም እስትሽሃዱ እብ 16 ዮም ለደግመየ እግልዬ።

ለሳልሳይ ምድፈዐጂ ግርማይ ብሰራት (ግርማይ ዐጋሚ) ህዩ ሚ ገብእ ገብኦ ነሲቡ? ግርማይመ ምኖም ኢትፈንተ እግሉ እተ ትወለደ ዐዱ ኮከባይ እብ ክልኤ ዕንቱ እት ልርእየ ወእብ ክልኤ እግሩ እት ከይደ እት ኣፊት ቤቱ ኣስተሸህደ። መድፍዐጂ ኣርበጂ ጸጋይ ደስተ (ዐጋሚ) ወድ ኣንበሰቱ ገለበ ህቱመ ምነ እተ ትወለደ ምቅራጭ እትቡ እንዲ ኢለኣረይም እትለ ነገር እለ ምስለ እግሎም ፈቱ ሐዉ ኣስተሸህደ። ምነ እት ደብር ፋዴ እንዲ ገብኣት እብ ትንሺን ትሬሽን ለዐለት ደባባት ምነለ ሓዩት ፍራሲ ለእግል ክልኤ ሰነት እብ ምክሐ ሕጡጣመ ለዐለው መናቢት እለ ጣልመትነ ለኢትኣምር ዕለት ሐሬት ወከሬት። ኣይወ እስትሽሃድ እግል ፍቱሕ ሕርየት ወዐቂብ ሰያደት።

ኣቤ! ፍንቲት እስትሽሃድ ሕፍን፡ ዋዕም መራር ተን። ለዋዕም ተኣብለ ጀላብ ተእሪክ ወህውየት ወሰያደት ቱ ለእስትሽሃድ። ኔብራይት ኣርወሐት ይህሌት እምበል ኔብራይ ታእሪክ!። እብ መራር እንብለ ህዬ፡ ፍንቲት ኣብጽሐት ወመንደሊታት እት ዕምር ህዳይ ወሕጻይ ዲሪር ወሻማት ቱ። ላኪን ኣይወ፡ ላኪን ምዶል ሰልፍነ ገብኦ ወደንጎባነ ለሓዩት ፍራሲ ለእስተሽሃደም ወለ ፍንቲቶም? ገቢሎም እብ ታእሪኮም ሽንን ወገንድል። ምን ልትቃረም ረቱዕ! ወምን ልትጋደል ለኣደምዕ! ሐያትመ ለዘተ ወመዐነተ ህቶም ምንዲ ፍዘ ገብኣው እግሉ ነኣትዋይነ ለህሌነ።

መሰውር፦ አቤል በረኽቶ

እብ ዝያረት ዲብ
አቅሊም ጋሹ-በርከ ወእብ
ፍንቱይ ምዳርየት ጋሹ-ለዓል
ዲብ ለትሐረክነ እቲ ወክድ፡
ምስል አሰይድ በረኸት መሓሪ
መስኡል ውሕደት ዐማር
እቅትሳድ ምዳርየት ጋሹ-ለዓል፡
ዲብ መንጠቀት ውሕደት ዐማር
እቅትሳድ ቃንጽት እቡ ለህሌት
ወራታት ለከሰስ ሃድጋም ዐልነ።
ታምም ጽበጡ ህዩ ዲብ እለ ናይ
ዮም ጥብዐትነ እግል ንቀድሙ
እግልኩምቲ።

ሐንቴ ውሕደት 0ማር እቅትሳድ ለልትከምከመ አፍረዓት ፈረሶ ውዛረት ሐርሱ ትጃረት ወፈረሶ አርድ ማይ ወድዋር ቱ። እትለ ምዳርየት እለ ለልትሐረስ አርደ ሐድ 50 አልፍ ሄክታር በጽሕ። ምን እሊ ዲብ ሽዑብ እንዴ ትወዘዐ ልትሐረስ ለህለ 39 አልፍ ሄክታርቱ ምኑ ለበዝሐ በህለት ሐድ 25 አልፍ ሄክታር እክል ለልትዘራእቱ እብ ምእታይት ዶል እንርእዩ 64% እብ ካልኣይ ደረጃት ህዩ ናይ ዜድ አዝረኣት ስምስም እሊ ሐድ 12,900 ሄክታር በህለት 33 ምእታይት በጽሕ። እት ኣክር ህዩ ናይ ቅርጡዋ ሐድ 1000 ሄርታር ጉብእ 3% ናይ ዕሙማይ ሕናሰ በጽሕ። ቀደም ወክድ ሐርስ ክልዶል ሕፍዘት ማይ ወትርበት ለከሰሰ በራምጅ ሰበት ልትጋየሱ፡ ምስል እሊ ዲብ መስኩብ ንዋይ ልትጀማዕ ለዐለ ሸፍር ጠቢዒ መትፋረዩ ሐሸራት ገንሸረ ሰበት ጉብእ ምን ህለዩ እንዴ ተኣከበ እት ሐድ 700 ለጉብእ ሄርታር ግራህ ክም ልትረሸረሽ ጉብኣ። መዋመጦር እሊ እትለ ምዳርየት ለትፈናተ ታእሂላት ተህየበ ክም ኣግቡይ ሸቅየት ቀፎ ሰሙይ ትበት ንህብ ወደወርህ፡ ድሙን



አግቡይ አካናት ርዕዮ ለከሰሰ፡
 ደው ድድ ባልዲን ወመደረት
 አግቡይ ሰኔ ለኢተበዐ መትነፊያት
 ለከሰሰ ለትፈናተ ታኣሂላት ተህየቡ፡
 አሰክ ዲብ መድረሰት ሐረሰቶት
 እት ግራህ ሐረሰቶት ዲብ ክል
 እዳረት ደዋሐ ክም ልትከሰት
 ገብአ ወሐረሰቶት እብ ተርተረት
 እንዴ መጽአው ክም ደርሶ ገብአ፡፡
 ሐቆሃቱ እሊ ለሐልፈ እንታጅ
 ሐርሰ ክል ሐረሰታይ እበ መልኩ

ጋሹ-ለዓል መሰከብ ተጸሪክ ወዐማር

እለት ሐርስ ወምን ሕክሙት ለረክበዩ ትራክተራት ለትዘርአ ወዲብ ነቲጀት ፍሬ ሰኚ ለበጽሐ።

ዲብ እለ ለኡብጽሐ ህዬ ለመዳላይ ብቆፅ ምንመ ዐለ ዝያድ ላኪን ለከረም ሰኚት ሰበት ዐለት ቱ። ከረም ምን ተሐውን ህዬ ለትከደመ ግራህ ለቀጥረት ቅጥረት እንዴ ከርዐክ እግል ልትነፋዕ ትቀደረ። እለ ህዬ ነቲጀቱ ዲብ ለትከደመ ወለ ኢትከደመ ግራህ እብ ረሰሚ ሰበት ትርኢት አዩ ሐረሰታይ ከረም ትሰኚ ወትእኪ ቀደም ሒን ከረም እግል ልክደም ህለ እግለ፡ ገርሁቱ እንዴ ከድመዩ ጸንሐ ምንገብእ ህዬ ምነ ለትትረከብ ዝላም እግል ለአስተፊትድ ቀድር።

ዲብ ነገጣት ሐርስ እሊ ሌጠ ኢኮን ጋብእ ለህላ ክም መሰል ዲብ እሊ ለሐልፈት ሰነት ክልኤ ዐባዩ ከዛናት ሸቀ ዲብ ሸሽቢት ወባር ጠቁ። ብዕድ ፍድኢት ናይ ንዋይመ ሕማም መሸርዓን ምኑ እግል ዳፍዖት 850 ለጉብእ አክላብ ትፈደአ። ፍሮማይ ናይ ዓጣል ወአባግዕ እግል ዳፍዖትመ 57 ለጉብእ ንዋይ ትፈደአ። ምስል እሊ ዲብ ኑቅጣት ናይ ሐካይም ንዋይ ለህለው ዲቡ እንዴ አምጽአው ለትሳረ ንዋይመ ዝያድ 500 ረአስ በጽሕ። ለተርኪዝ ዲብ ሳረዮት ሌጠ ላኪን ይዐላኒ። ኢበልዐ ምንጉብእ እብ ሰፍራመ እግል ሊሙት ሰበት ቀድሮ ሰዐር ናይ ንዋይ ዲብ ዝርአት ለሸቀ 12.5 ሄክታር ለጉብእ ጀራዲን እንዴ ትዘርአ ክም ለአፈሬ ልትከደም እቱ ህለ።

ምዲርየት ጋሽ ለግል ሐርስ ወንዋይ እቡ እምርት ተ። ከመቅረሕ ሐርስ ወንዋይ ምስል ከአፎ ገብእ ፍንጌ ሱብ ግራህ ወሰብ ግዋይ መሻክል እግል ኢልሳድፍ እብ ከአፎ ጸቡጡ እት ወደሕ አሰይድ በረከት፡-

“ሸንሸኖት አርድ ገብእ እት ህለ ንዋይ እት ወግም ለአታቱ ለዐለ። ለልትሐረስ አርድ ወናይ ንዋይ ክል እዳረት ደዋሒ ክልኢቱ እብ ከአፎ ልትጸበዋ። እግል ንዋይ ለገብእ፡ እግል ሐርስ እግል ሕዝዓት ወሰከን እንዴ ትበህለ ለትከፋፈላቱ። ሰበት እሊ ንዋይ ለልትርዔ እቱ መሻክል ኢህላኒ፡ ካፊ ንዋይ ለልትርዔ እቱ አርድ ሰበት ህለ ምስል ሰብ

ግራህ ለልኦትብእስ ኢኮን። ገሌ ሰብ ንዋይ ላኪን እንዴ ለኦምሮ ዲብ ኦርድ ሐርስ ለመጽኦ ኢልትሰኣ። እግልሚ በዲር ዲብ እሊ ባካት “ዲብ ወክድ ቀይም ምን ዐውድ ለኢበልዐት ኦሐ ሐጋይ ኢትትሐመልኒ” ለልብል በህል ሰበት ዐለ እሊ እት ረኦሎም ለህለ ወእንዴ ለኦምሮ ዲብ ባካት ኦርድ ሐርስ ንዋዮም ለልኦምጽኦ ኢጉብኦ ምንጉብእ ፍንጌ ሰብ ንዋይ ወሐረሱቶት መሻክል ኢህላ። ክል ሐቲ ከእንክር ኖዩ ሰበት ቡ።”

ሐሊብ ወፍገሪቱ፦ “እለ ምዴርየት ሐሊብ ወፍገሪቱ እቡ ርዝቅት ተ። ሐሳስ ናይ እሊ ባካት እግል ልሃበው ምን ከረ አስመረ እንዴ ኢተርፍ ለመጽሐ ትጃር ብዝሓም ቶም። ናይ ሐሊብ ላኪን ምን ሰብ ንዋይ ወዲብ ባካቶም ለልትረኩብ ወኪን አርድ ብዕድ



እንዴ ጌሰ ለልትዘቤቡ ደረጃት ብጽሕ ኢህላኒ። ዲብ እለ መንጠቀት ክም መኣሰሰት እንዴ ገብአት ምን ሱብ ንዋይ ሐሊብ ለትዛቤ ወኣሰክ ጠላብ ለልትረኩብ እቱ ባካት እንዴ ኡብጽሐት ለተኣዘቤ ሰበት ኢህሌት። ሲጋ ለከሰሰ ላኪን ብዙሕ ንዋይ ናይ እለ መንጠቀት ኣሰክ ከረ ኣቅሊም ምግብ እንዴ ትነሰኣ ልትዘቤ ወዲብ ኣውጃዶት ሰገ ኣካን ዐባይ ለኣገዴ ህለ።

አፍሪካችንን ንህብ ለከሰሰ እግል መሰል እግል ልግብአ ለቀድሞ ሐረስቶት ቀፎ ከአፎ ክም ልትሸቁ ወንህብ ከአፎ ክም ትተውብ ምን አርበሰ እዳረት ደዋሐ ለመጽአው፡ ዲብ እለ አውጋሮ ታእሂል ተህየብ። ዲብ ብዕድ እዳራት ደዋሐ ህዬ ሰብ መቅደረት እንዴ ተሐረከው ቀፎ ወንህብ ለከሰሰ እግል ሐረስቶት ዲብ አፍሃሞት ካድም ጋብእ ዐለ።

ነጥሞት ትጃረት ህዪ ሚ መስል ህለ እት ወደሐ አሰይድ በረኸት፡-
“እትለ ሰነት እለ ዝያድ እንሸቄ እቱ ለህሌነ ልቼንጎት ሂበት ወአጀደዶት ሰበት ትሰመሐ ዲቡ እንዴ ረከዘን እንከድም ህሌን። ዲብ እለ ምዴርየት 700 ለጉብአ ልቼንጎት ትጃረት ተን ለህለየ። ምን እለን ለ400 ለጉብአ ጀደደየ ከህለየ፡ 44 ለጉብአ ሐዳይሰ

መስላሳት ትጃረት ህዪ ሳምሐም ህሌኑ። ዲብ እሊ ልቼንሰት ሂበት ወአጀደዶት ሸቅል ሌጠ እንዴ አ.ገብእ ከአፍ ሸቄ ህለ ምን ነዳሬት አስከ ወክዱ ለሓለፈ ሙምተለካት ናይ ራቀቦት እብ ገበይ ምኒሼ-ቡዩ እንወዴ። ብዕድ ምስል ትጃረት ለልትጸበት ሰልፍያት ምን መውል ለልትረከቡቱ። መውል ዲብ እሊ ምዴርየት ብዙሐ ዘባይን ህለ እግሎም። ዲብ ትጃረት ለልትፈረር እምበልሆም አስከ ዲብ ሐርሰ ለልትፈረር እግል ልሕረሶ ልትሰለፎ ወእክሎም ክም ኦተው ዲኖም ለፊዱ ወንዋይ እግል ልተውቦ ለልትሰለፎ መ ግናም ለንሰው ሰካን ህለው።”

ተውዘቦ ምድር ሐርስ ወሰከን፦
እትለ ምዴርየት ቀደም አዜ
ሐድ 400 ለገብእ ኣርድ ሐርስ
ምስል 13 ነፈር ላዮም ሐረስቶት
ጽቡጥ ዐሉ፤ እግል ክሉ ሽዑብ እለ

ምዲርየት ህዩ ምን ጭብክ አርድ ለትበገሰ ሄክታር ለመልክ ወዲብ ገሌ እዳራት ደዋሒ ሰር ሄክታር ለመልክ ሐረሰታይ ሰበት ዐለ ዲብ ሰነት 2018 ለጭብ ናይ አርድ ሐርሰ ሰበት ትረኣ ምነ ትጃር ሐረሰቶት እንዴ ትነሰኣ ዲብ ክሉ ክም ልትወዛዕ ገብኣ ወክል ዐድ ለህለ እግለ አርድ ሐርሰ እብ ለትሳዌት ገበይ እግለ ሰካን ክም ልትሆብ ገብኣ።

እግል መናበረት ሽዑብ ለጉበኣ ጣቀት፡- ሰካን እለ ምዴርየት ለህለ እግሉም እግል ነብራህም ለልትነፍታቡ ወቤቶም ለበኑ እቡ ዕጨይቱ ምኑ ወኬን ኢህለ እግሉምኒ። ናዮም ሌጠ እንዴ ኢጉብኦ ምን ብዕድ አርድ ለመጽኦ እብ ፍንቱይ ህዩ ውሕዳት ናይ ዴሽ ዲብ እለ ምዴርየት ተሰሪሕ እንዴ አፍገረየ ዕጨይ ለአርየ ወነሰኦ ህለየ። እለ ህዩ እብ ገበይ ለከሰሶም ጀሃት ጉብኦ ምንጉበኦ መሻክል ኢኮን ለልአሰፍ ምን ለህሌ ይቡሰ እንዴ አምሰልከ ዕጨይ ጥሉል ብትከትቱ። ዲብ እለቱ ህዩ መትሓፋዝ ለእንወዴ ትሰመሐ እግሉም እንዴ እንቤ ኢንኦዝም ምናምኒ መራቀበት እንወዴ። ውሕደት ቃባት ወንዋይ ከደን ህዩ ዲብ እለ ወክድ እለ ግራም ንዙማም ሰበት ህለው ተቅዩር ዲብ መጽኦ ገይሰ



እሳይድ በረከት መሐሪ

ህለ። እብ ናንቲይ ሐረሰቶት ናይ እሊ ባካት እንዲ ኢተርፎ በዲር እግል ዳንደ ወሐዱር ግርህም እንዲ ቤለው ጥሉል ዕጪይ በትኮ ዐለው፡ ኣዜ ኣኪን እግል ዳንደ ጎማት እንዲ ኣንጸፈው ክም ልትንፋሖ ወእግል ሐዱር መ ጥሉል እግል ኢልብተኮ ተሕዚር ሰበት ተህየብ እሊመ ዲብ ሕፍዘት ዕጪይ ምስዳር ዐባይ ገጽ ቀደም እምጽእ ህለ።

አሸቃላት ከወ ወግጥ፡ ዲብ
እለ ምዴርየት ሕገ-ዛም እግል
ሰድየት ዲብ 11 እዳረት ደዋሐ.
እበ ለትሰመሐ ዐድድ በህለት 600
ነፈር ዲብ ሸቅል እንዴ ትፈረረው
እብ ድራርም ክም ለዐይር ምኑ
ጋብእ ህሎ፡ እለ ህይ ምስል ብዝሐ
ሸዐብ ናይለ ምዴርየት ዶል
ትርኤ ሰኒ ሐድቱ፡ እብ ጃንብነ
ህይ ዲብ ክል ሰለሰ ወሬሕ እት
እንካፍል ብዝሓም ክም ልትነፍያ
ምኑ ወአርድ ክም ልትከደም
ገብእ፡ ዝያድ 70 ኪሎ መትር
ለገብእ አሸረዐት ህይ እብለ ሸቅል
እለ ትከደመ፡ እትለ ለትከደመ
ባካት ዕጨይ ናይ ሸትለተ
ወአግመሎት ህይ እምበለ ዲብ
ቃባት ለትሐፈር ክል ቤት ዲብ
አፊተ ሰለሰ ሕፍረት እግል ሸትል
ገብእ ወዲብ መአሰሳት ሕኩማት
ክም መካትብ ወመዳርስ አካናት
መግብድ መሳግድ ወከናይስ
እንዴ ኢተርፍ እብ ዕጨይ እግል
አግመሎቱ 60 አልፍ ለገብእ
ሸትል ጠለብነ፡ ምናተ ምን እለ
7 አልፍ ሌጠ መዳነ እግልሚ
ናይ ሸትል አካን ዲብ ባርንቶ
ሌጠ ሰበት ገብእት ወዲበ ዝሩእ
ለዐለ ሰበት ተመ ክም በርናምጅ
ሕፈር እንዴ ሐፍርነ ለኢትዐወትነ
እቱቱ፡

ፍንቱይ ርዝቅ እለ መንጠቀት እት ወደሕ አሰይድ በረዥት፡- “እለ. ባካት እለ. ዲብ ዘበን ንዓል አስክ ናይ ሐዳይስ ሙናድሊን ተዕሊም ዐስከሪ ለልትሆብ እቱ ከረ ጀርበት ህሉ ሐቐሁመ ድቁብ ሕሩባት ናይ ወያኔ ለፈሸለ ዲቡ ናይ ታሪክ ባካትቱ። ክም አሳስ ህዩ እብ ፍንቱይ ለመልኮ ሀለዮት ሐረምዝ እቡ ዝያድ ልትአመር። ሰበት እለ. ሙዋጥኒን ልግብአ ወውላጅ ካርጅ ቤጽሐት እበ ለልሰሐብ እግል ልትጸበጥ ካድም ለሐዜ ምኒነ ህለ” እት ልብል ሂጋሁ አትመመ።



4^ይ ክፈለ

ጋድሞታት ግራት ሐቀ መደውሻሽ ወቃው እዝ ሰነት 1984 ዓ.ም. አባይ ምን ሐዲስ ዲብ ቅብለት ሳሕል እግል ለአቅብል የም አለቡ ደባብ እንዴ አትበገሰ ዲብ የም 27 ናይ ወኢረሕ 4 ሰነት 1984 ድቁብ ሸፍ ደባብ እብ ደባብ ጋብእ እቲ ዐሉ። ሐቀ እሊ ደባብ እብ ደባብ ሐርብቲ ህዩ ለጋድሞታት ምን ጠረፍ እት ጠረፍ እብ ዐስሮታት አላፍ አልቃም እንዴ ከሰብናሁ አስክ ተሕሪር መዲነት ባርንቱ ሰነት 1985 ፈሲለትነ ዲብ መሸንገል ጋድሞታት ግራት ለህለ ትብብ እንዴ ሸፈት እግል ዲብ ጋድሞታት ድፋን ለዐለ አልቃምን እንታይን ወደለ ትቀለዐት ምኑ ነኣትማሰል ወሐዲስ አልቃም እንደፍን ለዐልነ። እሊ ጋድሞታት እሊ ህዩ እብ ሰብብል ድፋን እቲ ለዐለ አልቃም ኢኮን መኪነት አዳምን እግል ልፍገር ምኑ ሰኒ ሰዱድ ሰበት ዐሉ። እሊ ለዲብ ምሴት 9 አክቶበር 1985 ዲብ ባካት ሻካት ፍርርት ለዐለት መጅሙዐት ሀንደሰት እብ ትፈግር ገበይ ይዐለት እግል። ግሪ እንዴ አቅብለት እብ እምሀሚሚ እግል ኢትምጸእ ለላሊ እብ ለዋው በሐር መጽእ ለትመየ ኮለንዩ አባይ ጋድሞታት እምሀሚሚ ሸእግ ሰበት ዐለ እንረሩ ልሰመዕ ዐሉ። እብ ጀሀት ግራት እግል ኢትፍገርመ ምሰለ ዲብ ሰነት 84 ለደፈናሁ አልቃም ወልሰዕ ዲብ ለዐለት ፈሲለት ሀንደሰት ትወሰኩ ለዐለት አልቃም ገበይ ይዐለት። ለመጅሙዐት ምሰለ መኪነት ህዩ ክምሰለ አንጻይ ለእት ከርዶን ክሪት ምንኬን ወምንሰር ክሉ ለገራብዮታት ሰሩ እብ አልቃም ወሰሩመ እብ ዴሽ አባይ ደበኦ ምነ። አገር ለእለ ወደ ምን ወዴ እብ ፈግር ይሐግል። ምናተ መኪነት ለእብ ትገይስ ወትበጽሕ ሰከት ተትሐዝዩ እብሊቲ ህዩ ለዋሮ በክት ለመጅሙዐት እግል መኪነት እንዴ አንደደት እብ ረሐ ለትፈግር እብ ገበይ እግል ትሕዜ ዐለ እሊ። ሕናመ እሊታትቲ ሹቁልነ ለዐለ።

ባካት ሳዐት 12 ዲብ መሸንገል ጋድም አልጌነ ለህሌት በዲር ዴሽ አባይ ሻፍፍ እተ ለዐለት ተበት ሰላም ክምሰል በጽሐነ ምኑ አስክ ቀብርወኣት እግል ንሕለፍ አርወሐትነ ኢወዴነ እግልነ። አዜመ ለምድር ምለዐል ወምተሐት ዲብ ነድድ ጥያራት ሐርብ እምበል መቃወሙት ክምሰል ምራደን ደለ እተ ሐዘዩ አካን እግል ራፍዓቲ ለዐለ ቀናብል ዲብ ፊትተ ወክምሰል ሀየብ እት መሸንገልነ ዲብ ልትባለሰ ሕነ ላተ ደሀይ ናይለ ለሹቁላም እቦም ዐልነ ጅማዐትነ እግል ኒዴ ተበት ሰላም አስክ ዴሽ አባይ ምን ቅሩብ እንዴ መጽኦ ለዐሸል እተ እብ ሸፋግ ዲብ ርሽመተ ሐወጽነ። እብ ሬድዮ ሀለው ህዩ ቴለል መጅሙዐት እግል ንድሌ አዜመ እትሳልነ አተላሌነ።

ለመጅሙዐት ሳኪን እብ ጀሀት ግራት አልቃም ወእብ ጀሀት

ለናይ ደንጎበ ወራር

ወድጋን ዴሽ አባይ ሰበት ከርፈዮ እብ ምግብ እብሊ በዲር ደባባት አባይ ካይዱ ለዐለ አካናት ዲብ ተአሳልል ወአንፋርሊ መጅሙዐት ምን ደፊን አልቃም ዲብ ጸሪግ ሰከት እንዴ ትጽመደው። እግል ኦራል ምን ዕንሊ ልሆብል ለዐለ ጥያር ሐርብ እግል ትትነጃ እብ አቅሹን እንዴ ገልበበው። ምን መኪነት ዲብ ዕጩት ጋምለት በደለው። ለሚነት ዐስከርየት ቀደም ሐድ አዋርሕ ምነ ዲብ ሐርብ ባርንቶ ለትሰለበዩ ሐዳስ ኦራል ሰበት ገብኣት እግል አቅረት ወሳሳት ዲብ ሳዋር ዶል ድማን ወዶል ድገለብ ዲብ ተአደንግብ ወሰብኦ ሰርም ምቀደም ገበይ ቀፍሮ እለ ረኣሰለ ምን ጋድም አልጌነ ሸንክት ምፍጋር ጸሓይ ለህለ ትብብ ክምሰል ተዐስቅ ወደው። ለቴለል ህዩ ምን ደፊን አልቃም ወመዋጀሀት ምሰል ዴሽ አባይ ዲብ ሬሕ አፍግር ተዐደ። ሬሕ ሌጠ እንዴ ኢትገብእ ላመ እብ ደም ምሔርበት ለትሰለበት መኪነት ሰውረት ምን ብቅት እግል ትትነጃ ወዲብ ክድመት ሰብኦ እግል ተአተላሌ ሰበት ዐለ እሊ። ምነ ከርዶን ከፎ ክምሰል ትፈግር ክሉ ልጸገም። ገበይ ጸርግ ወታደን ለዐለ እቲ ወክድ ቲ። ለሓለት ህዩ ምሰል ወቅት መትባዳርቲ ለዐለ።

ዴሽ አባይ ዕሽል ንሀብ ዲብ መሰል እግል የም አለቡ ክታር ኮልነዩ እንዴ አትበገሰ ባካት አውጌት ወምኑመ እብ እምሀሚሚ አስክለ ዐልነ እቲ ድዋራት አልጌነ ልሸህግ ዲብ ህሊ። ጥያራት ሐርብመ እግል ልሰዕ አዳም ለይዐለ እቲ ድፍዓት እብ ቀናብል ረጅሙ ዐለ። ምድር ክሉ ነድድ ወተንን ዲብ ህላቲ ህዩ ምናድሊን ምን ረዩም ምን ከረ በርከ ወነቅፈ አስክ ጀብሀት ቅብለት ሳሕል ርድኦ እንዴ ትበሀለው እግል ደሐን ወመንገፎ ምሰል አባይ ልትባደር ለዐለው እቲ ወክድ ቲ።

ሕነ ረኣሰ ወቅል ዕንክለት እንዴ ፈገርነ ዶል ዲብ እንክሸፍ ወዶልመ ዲብ ነኣተሰል ሓለትለ መጅሙዐት እግል ንድሌ ለዐል ወተሐት እምብል ዐልነ። ክልነ ህዩ ምነ ወራር ወኪን እብ መጅሙዐት ሹቁላም ዐልነ። ለእግል መደት ሰነት ወሰር ምን መዝም እስትዕማር እብራት ለዐለት ጀብሀት ቅብለት ሳሕል ህዩ ምን ሐዲስ ዴሽ አባይ እግል ለአቅብል ሕልም መሰለ እትነ። ምን ሳዐት ሐቲ ወሐር ላተ ለላሊ እብ ግዲደ ዲብ መካይን እንዴ ትካተረ ጋድም እምሀሚሚ ወአውገት ለብጽሐ መዳፍዕ ወሰዋሪክ ዲብ ጋድም አካናቲ ሐጠጠ ክሉ አስክለ ሕነ ዐልነ እቲ ድፍዓት እንዴ ትወጀሀ ህቲመ ተለይቶ ናይለ እብ ጥያራት ሌጠ ብሐት ዘብዋ ገብኦ። ለእግል ዝያድ ሰነት ወሰር ሰላም ወመሰከብት ምድት እቲ ለዐለት አድብር ቅብለት ሳሕል ህዩ ምን ሐዲስ እብ ቀናብል። ናፓል።

ብሪምሪም፡ ፋክረስ ወርሳስ እግል ልትቀሌ አስተብደ።

እለ ናይ የም 10 አክቶበር ሰነት 1985 ህዩ በዲር ደረሳይ መድረሰት ሰውረት ዲብ ግርበት ወሬሕ ሐቲ ናይ ሰነት 1979 አትፋቀደተኒ። ወሬሕ 1 ሰነት 1979 አባይ ክምሰል እሊ ናይ የም 10 አክቶበር ሰነት 1985፡ እብ በሐር ማርሰ ቴክላይ እንዴ መጽኦ፡ እግል ዲብ ፊሕ፡ ብሌቃት፡ ሰበርቀጤ፡ ዜሮ ደብዐት ወዐገት ለዐለ ድጌ ጀብሀት ሸዕብዮት እት ወክድ ሐጨር እግል ልጽበዋ እንዴ ቤለ ዕወር ሕደግ ወሐንኪሽ ዲብ ልብል እብ ሰመ ወምድር ለአላየመ እቲ ወክድ ዐለ። እተ መደት ለሀ ክርን ገቢል ዲብ ፊሕ ምን ተኣትብት አምዓላት ሐድ ዋድየት ዐለት። ምናድሊን ሐርብ ዲብ ጋድሞታት አልጌነ ወምኑመ ዲብ ባካት ግርይቲ ናይ ሐድ ኪሎሚተራት



ፈሲለት ሀንደሰት (ቀብር ወኣት 1985)

ባጽሕ እቲ ለዐለ ወክድ፡ ለአልቃም እግል ልድፈኖ ምን ከበሰ ዲብ ጀብሀት ማጽኦም ለዐለው አንፋር ሀንደሰት፡ ምሰለ ምን ከበሰ ዲብ ልትባደረ አስክ ቅብለት ሳሕል እብ መካይን ረደኦ ለዐለው፡ ዲብ የም 2 ናይ ወሬሕ 1 ሰነት 1979 ዲብ ባካት ዐገት ሐቲ መኪነት እንዴ ትገለበት ብዝሃም ምናድሊን ምን ሕኩር ዲብ ሸሂርድ ጋብኦም ዐለው። ምነ ዲብ እለ አምዕል እለ ለአስተሸህደው መልኦክ ዳዊት ጊሉምል፡ ሰመረ በላይ ዑቕግግርጊሽ ወተኽለ ገብረኢዮሱስ ደስታ ዐለው፤ ላመ እብ ሸፋግ ጀብሀት ቅብለት ሳሕል ለበጽሐው አንፋር ሀንደሰት ዲብ ደፊን አልቃም ወሐርብ እብ ከላሸን ትፈረረው። ምን ዴሽ አገር እንዴ ትበደለው ምሰለ ዲብ ለዐለየ ቅዋት እዴ እብ እዴ ልትሓረቦ እቲ ለዐለው ወክድ ቲ። እብ ፍንቱይ ለዲብ የም 28 ጃንዋሪ 1979 ዲብ ግርይቶ ለገብኦ ሐርብ ሰለሰ አንፋር ሀንደሰት ለአስተሸህደው እተ አምዕል ዐለት። ለአንፋር ሀንደሰት ሃይለሚካኤል

ደበሳይ ናይዝጊ፡ ሃይለ ወልዳይ ክፍለማርያም ወገብረትንሳኤ ሰለባ ክፍሌ ቶም። እብሊ ህዩ ለኖሰ ሕድት ምን ቦሞሊኒ ለኢትብዝሕ ውሕደት ሀንደሰ እት ቀበት ወርሕ እተ ኢገብእ 6 ሹሀደ ደፍዐት። እሊ ህዩ አንፋር ሀንደሰት ዲብ ክሉ ወርታት ሐርብ ዶል እብ ከላሸን ክምሰል ክሉ ዴሽ ዲብ ልትሓረቦ ወዶልመ እብ አልቃም እግል አባይ ሾከት ለቤዕ እንዴ ገብኦው እተ ወዱወ ለዐለው ወቀይቲ። ድዋራት አልጌነ ህዩ እግል ሀንደሰት ሐዲስ ወቀይ ይዐለ።

ምን ጃንዋሪ 1979 ዲብ አክቶበር 1985 ዶል ነኣቀብል፡ ሕነ እብ ሸንክት ሻካት ጋይሰት ለዐለት መጅሙዐት ሹቁላም ዲብ ሕነ ዶል ዲብ ነኣተሰል ወዶልመ እብ ክሻፋት ዲብ እንክሸፍ ወዐልነ። መክናይዝድ አባይ አስላፋቲ ድዋራት እምሀሚሚ እንዴ በጽሐ አስክለ ልሸሕድ ዲብ ህለ ሐቀ ሐድ ደቃይቅ ለዲብ ርሽመተ

ጀሀት ቅብለት አስክለ ልሸእግ ዲብ ህሊ፡ ለመጅሙዐትነ እብ መክነታመ እብ ጀሀት ምፍጋር ጸሓይ አስክለ ናይ መንገፎ ድዋራት አሳለለት። ሕናመ ዲብ ርሽመት ተበት ሰላም እንዴ ገኣነ ዕንታትነ ዶል አስክለ ዌራይ ኮለንዩ አባይ ወዶልመ አስክለ ፋርሰት መኪነትነ ባለሰናሁ። ሐቀ ከም ሓይል ማይል ህዩ ለመኪነት ምሰል መጅሙዐት ምን መለገት እንዴ ፈግረት ክማም ክምሰል ገኣት ዲብናቲ ሕናመ ምነ ዕንክለት እንዴ ትከፊነ ዲብ ፋዬሕ ሕሊል አልጌነ አቲነ።

እትሊ ወክድ እሊ ለአምዕል ቀዳሚት ዲብ ክልኤ አካን ግምዕት ለዐለት ፈሲለትነ ዲብ ሐን ሐቲ ዕጩት ጋምለት እንዴ ትክምክምነ፡ እብ ቃእድ ሰርየትነ መሕሙድ እድሪስ ወቃእድ ፈሲለትነ እመሀ አርኦየ ሸሬሕ ሐዲስ ተሀየቤነ። ለሸሬሕ ኤማን ለወሰክ ወፍርሰት ለለኦዘይድቲ ለዐለ። አባይ እብ ክለ ሐሊቲ ዲብ ክንክሸክ ሸእግ ዲብ እንቲ ለትወድዩ እጅትመዕ ህዩ አበኣማንመ ኤማን ወሰሙድ ለወሰክ ቲ። እመሀ ክርንቲ እንዴ ሐሰሐሰ “ አይወ አባይ ወራር ህሩሰ ህሊ፡ ቅብለት ሳሕል ህዩ እግል ካልእ ዶል እቅቡለ ህሊ። እሊ ወራር እሊ ህዩ ክመ ሐልፈ ወራራት ክምሰል ፈሸል ወእብ ዐውቴነ ክምሰል ልትበሸር ሸክ አለቡ። ሕነ ህዩ እትለ ሰድት ኢነት ረሀየት ክምሰል መጽእ እንዴ አመርከ፡ የምመ ክም ማሌነ ሕዛም ሰሙድ እግል ንትዐንደቅ ብነ። አዜመ መካይን ወደባብ አባይ እሊ እንረሩ ነኣተንሴ ለህሌናቲ ምን እምሀሚሚ እንዴ ሐልፈ ሸእግነ ህሊ፡ እብ ትትቀደረነ እሊ ሕሊል እብ ህለ እግልነ አልቃም ንክልቡ፡ ” እንዴ ቤለ ሸሬሕ ሐጨር ወደ እግልነ።

ሐቀ እለ ላተ ለእብ ፊራሮ በሕሪ ነጋሽ ለልትአመር ሳምናይ ወናይ ደንጎበ ወራር ደርግ እትለ ምዕል እለ እብ ክለን ጀብሃት በህለት ሐልሐል፡ ነቅፈ ወቅብለት ሳሕል አስተብደ። ምድር ምለዐል እብ ጥያራት ሐርብ ወምተሐት እብ መዳፊዕው ወሰዋሪክ ዲብ ጨበል ርንቦ ትበደለ። ምሔርባይ ተበት ሐቲ ዲብ ፈግር ወተበት ሐቲ ዲብ ልትከሬ እት ናይ ሞት ወሐዮት ሸፍ ድቁብ አተ። አድብር ቅብለት ሳሕል ሐቀ ናይ ሐቲ ሰነት ሰላም ወመሰከብት አክል ሕድ ክመ ዲብ ሰነት 1979 እንዴ አስተብደ ዲብ ሰነት 1984 ለአክተመ ወራር አባይ ዲብ እሊ ድዋራት ምን ሐዲስ ቀንጾ። አንፋር ክቡድ ሰለሕ እብ ደባባቶም ወመዳፍዖም እግል ደባብ አባይ ዲብ ዋጅሆ፡ አገር ዴሽ ረኣሰለ በልሐት ዐንክል እንዴ ትሰርሰረ እብ ከላሸን ወበሬን ዴሽ አባይ ከሽ ዲብ ለኣብል ሕናመ ለእሙር ወቀይነ ዲብ ክሉ ደባብ ወመካይን ክምሰልሁመ ዴሽ አባይ እግል ልምጸእ እቡ ቀድር ለእምቤሉ ድዋራት አልቃምን ዲብ እንደፍን ለወክድ ናይ ሞት ወሐዮት ገብኦ።



ክታብት ሐቅ ክሉቱ፡ ክልነ ንትነፈሪ ምኑ

ዲብ ኤሪትሮፕ እግል አወል መረት ምን 24 አስክ 30 አፕሪል ለተወለደት፡ ወዲብ አፍሪቀ ምን ሰነት 2010 እንዴ አንበተት እት ደንገበ ሳምን ወሬሕ አፕሪል መዋ.መጦር ሳምን ክታብት ዐለም ለትትፈቀድ ሳምን ክታብት አፍሪቀ፡ ዮም 29 አፕሪል እት አስመረ እት ገብአት ሐፍለት እብ ሕሽመት ተወደደት። ኤሪትሮፕ፡ ለገብአት ደውለት፡ ራክበት ትግበእ ወግምጽት፡ ክታብት እት ክል ጅነ እግል ተአብጼሕ መቅደረት ክምበ ለአርኤት መሰል ሰኔት ክምተ ሀዩ ወካይል መዝማት መጅልስ ቅራን ሸሀደው እለ።

ሚሰተር ዩኤል ምን መክተብ መዝማት ዓፍዮት እድንዩ እት ኤሪትሮፕ፡ እራደት ወሰያሲይ መትሰባል ምን ሀሌ፡ እዳረት ነዓፍ እንዴ ትወሰክት እቱ ኤሪትሮፕ ምን ድወል ለሰርጉላት ግብአተ እንዴ ዘክረ ሐምዴ ክም ለአስትህለ ሸርሐ። ዶክቶረት ናንደ ፑተ- ዕዱ መክተብ ዩኒቤፍ እት ኤሪትሮፕ እብ እንክራ፡ ኤሪትሮፕ እት ክታብት ራክበቱ ለሀሌት ሰርገል እግል ክለ አፍሪቀ ሐበን ክምቱ ሓኪት። እንዴ አትሌት፡ እግለ ተዐብነ፡ ገበይ ፊመት እትነ፡ መዋሰላት ኢረከብነ፡ ደረብ ከብደ እትነ . . . እንዴ ኢልብሉ ክሉ እንዴ ከሀለው ዎሮመ ለኢትክተብ ጅነ እግል ኢልትረፍ ከድሞ ለሀለው ሰብ ምህት ዓፍዮት እት ወቀዮም ሐመደቶም።

ኤሪትሮፕ አሰክለ እትለ ሐረከት ለይዐለት ዲበ እኪት መርሐለት ኮሺድመ አትባጸሕ ክታብት ምን 95 ምእታይት እንዴ ኢልትከሬ እግል ልዋሰል ክም ቀድረ አፍሀመት። እብ አሳሰ ሐብሬ መስኡል ሀይአት ክታብት አቅሊም ምግብ አሰይድ ገብሩ ሐሩይ እት አቅሊም ምግብ ክታብት 99 ምእታይት ባጸሕ ሀሌ። እተ አቅሊም ምን ገብእ ወክለ ወወጠን 14 ጅንስ ክታብት ልትሀዩብ ሀሌ። መንፈዐቶም ሀዩ ምን ፖልዮ፡ ቲቤ፡ ሒቅሒቅ፡ ሸንቅ(ዲፊቴር)፡ ቲታኑሴ፡ ኒፎ፡ ሩቤሌ፡ መእረር ከብደት፡ ያብሶ/ረክሰ በረይ ሐገን ወዐሰበት መቅደድ፡ መእረር ሸነብእ፡ ፍጋር፡ ሰረጣን ሰጋድ ርሕም ነጅዮት ቱ። ለሰስ ቀዳምያም - ክታብት ቲቤ፡ ፖልዮ፡ ሒቅሒቅ፡ ሸንቅ(ዲፊቴር)፡ ቲታኑሴ፡ ኒፎ ክሉ ሸዐብ ለረክቦም ምንመ የዐለው ምን ቀደም ሕርያት ልትሀዩቦ ጸንሐም ቶም። ሐቅ ሕርያት ላኪን ክሉ ጅነ እተ እለ ሀሌ ሀሌ ክታብት እግል ልርከብ ሐቅ ምን ሐቁቱ ምን ልብል መብደእ እት ወክድ ሐጪር እትለ በዜሕ ክም በጼሕ ወዴት ሕኩመት። እት ረአሰለ ጸንሐ እብ ዶልዶሉ እት ልትወሰክ ሀዩ ሰስ ሌጠ ለዐለ ዮም14 ባጸሕ ሀሌ። እግል መሰል ክታብት ሄፓታይትስ ቢ ሻይረስ - መእረር ከብደት

እግል ልትአንበት። አንሳት ምን ረክሰ ቲታኖስ ወድፍቴር እግል ልድሐነ ምን 15 አስክ 45 ሰነት ለዕምረን ሐምስ ደርበት ልትፈደሉ። ክምሰልሁመ ወለት፡ ሴዕ ሰነተ ክም አትመመት ምን ሁማን ፓፒሎመ ለልትበሀል ሻይረስ ለለአመጽኡ ሰረጣን ሰጋድ ርሕም ለትከሬዕ እለ ፍድኢት ትነሰእ ወሐቅ ሰስ ወሬሕ ካልእ እብረተ ትትሀዩብ። ክምለ እተ አርእስ ህዱግ ለሀለ ክታብት ሐቅ ክሉቱ፡ እት ክል አካን ሀዩ ውጁድ ሀለ ክልነ እብ ከአፎ ንትነፈሪ ምኑ ሀሌነ ለልብል ሰኣል ላኪን እግል ንሕሰብ እቱ ዋጅብቱ። ለገብአ ጅነ እንዴ አንበተ እግል ለአትካርም አለቡ። አትካረመ ገድም በጽሐዩ እግል ልትበሀል ከእቡሁ እግል ንእዝም ምኑመ አለብነ። ፍድኢት እተ ወክደ ኢትነሰኣት ምንገብእ ለልትሰኤ ምን ዐቅም ዳፍዶት እግል ለሀሌ እለ ሰበት ኢቀድር፡ እግል መሰል ናይ ኒፎ ለናይ ሴዕ ወሬሕ እንዴ ነሰአ ለትገሰ ጅነ እት ፍንጌ ለሕማም እግል ልርከቡ ቀድር። ምኑ እተ ኢትፈደሉ እግል ልዓድዩ ቀድር። ወገሸለት ኒፎመ እግል ልሃርስ ቀድር። እለ እግል ኢትግበእ ወላዲት እተ ዕያደት እንዴ እንተ ለተሌ ፍድኢት ጅናህ ሚ ዶል ክምተ

አካን ረያም እት ዕያደት እግል ተአቅብል ትቀድር። አውመ ምን ንቡር አሻይር ወኪን ለገብአ ቱለል ሐዲስ ረኤት ምንገብእ አጊድ ዲብ ባክ ለሀሌት ዕያደት እግል ቲጊስ ክምበ የአመረት ምንገብእ ምን ሓዘ ራድኢት ሐኪም እግል ትትአከር ትቀድር። ከእብሊቱ ሐኪም ወዋልዴን ውቀት እንዴ ሀበው ሰኒ እግል ልትፋህሞ ለአትሐዘዩ። ጅነ አፈድኦት ልግበእ ወዐቦት ገርቡ ወዐቅሉ ራዐዮት ጸር ወላዲት ሌጠ ክም ኢኮን ሀዩ እት ልብነ ኒደዩ። ከርት ፍድኢት እብ ተአስትህል እግል ልትጸበዋ ቡ፡ ምን ብጣቀተ/ቲሰረተ እንዴ ትፈንተ እግል ልትረኤ አለቡ፡ ምን ሐኪም ለከትቡ እቱ ሐብሬ ወኪን ሐበትመ እግል ንክተብ እቱ ወእዳነ እግል ንክሬ እቱ ኢወጅብ። እግል ኢልትሸረም፡ ክታብቱ እግል ኢትህሰሰ፡ ለገብአት ርስሐት እግል ኢትቅጠር ወኢትከዓ እቱ ሰኒ እግል ልትአከብ ብእቱ። ምን እም ለትነቅስ ጽጼዋህ አው ብዕዳም ጸረ እግል ለአትመመ ሀዩ ጸብጦምቱ፡ ዕበያት ወደሐን ጅነ ጸር ክሉ ለመስኡልየት ውላድ ራፊዕ ተ። እማት ክል ጅንስ ፍድኢት ሚ ክምቱ ጽበጠ፡ ምን ሚ ሕማማት ክም ትዳፊ፡ ሚ ዶል ክም ትነሰእ እግል ልኦምረ ወእብ ፈዛዐት እት በርናመጅ ፍድኢት እግል ልሻርከ ለትፈናተ በራምጅቱ ለልትዝም። እብ ፍንቱይ መሕበር ወጠን አዋልድ አንሳት ኤሪትሮፕ ምስል ውሳረት ዓፍዮት ውበዕዳም ሰብ ሸርከቱ ዲብ ልትሳዴ ደሐን እም ውላደ እግል ለአድምን ምን ጸገም ግሱይ ኢኮን። እብ መናሰበት ሳምን ክታብት አፍሪቀ መ.ወ.አ.ኤ.አ. አቅሊም ምግብ ምስል ውሳረት ዓፍዮት ናይለ አቅሊም እንዴ ትመቅረሐ ምን ዐስራተን ምዴርያትለ አቅሊም ለትወከለየ እት ፍድኢት ወመናፍዑ ለረከዘ ጅግረ መዕሉማት ዓም ዝዘመ። ሐቱ ምን እማት እተ ምዕልል ጅግረ ጅነ እንዴ ሐመ እተ እስብዳልየት ምን አቱት ኢሻረከት። ለጅግረ ፍንጌ ሴዕ እማት ገብአት። ለሰስ ህያብ መሻረከት ነሰአየ ወለአወላያት ሰለሰ ጀዋእዝ ነሰአየ። ምስልሰ ሰለሰ ዕዉታት መዋጀህት ሐጪረት ጋብኣት ዐለት።



ሰሚራ ዓብዱ



ዘበባ ሳልሕ

ለፈግረት፡ ምብራቕ ዑቕባሰላሴ ሀዩ ምን ምዴርየት ቲራቮሎ ተ፡ “መትጃግረት ክለን ፈዳብያት ዐለየ ፈርግነ ሐድ ቱ እብ ንቅጠት ወሰር ንቅተት ንትሐላለፍ ዐልነ” ሐቀለ ትቤ፡ “ዮም መንፈዐት ፍድኢት ለኢለኦምር ሰበት ኢሀሌ፡ ለእም አምዕል ፍላን ምጽኢ፡ አሰክ ትበሀል እግል ትጸንሕ አለቤ ለኢፈሀመቱ ምን ለሀሌ ሀዩ እግል ትሰኣል ቤ ምን ውላደ ለለዐቤ እተ አለቡ” ትቤ።

አወላይት ለፈግረት ናይ ምዴርየት ዝዘገነደ ሰሚረ ዐብዱስመድ፡ ውሳረት ዓፍዮት ወመሕበር ወጠን አዋልድ አንሳት ኤሪትሮፕ እንዴ ትሳደው ለአዳለም በርናመጅ ጅግረ ሰኒ በሰጠዩ። እግልሚ፡ እተ ጅግረ ጀላብ እግል ንትወወት ለሕማማት አሻይሩ ወአሰባቡ ወአየ ክታብት ምንሚ ትዳፊዕ ሰኒ እግል ንዝክር ወንትፋቀድ ሰዳነ” ትቤ።

ዓወድዮ ዐብደልከሪም ምን አኽርየ እተ መናሰበት ሓድረት ዐለት። ዐወድዮ ፍድኢት ግርሽ እንዴ ኢነሀይብ እተ ዓፍዮት ውላድነ ተአደምን እነ ለሀሌት ምን ገኣት እብ ቀላል ግል ትትርኤ ክም አለበ ተአፍህም። ውላድ ዐፋይ ፋሬሕ እት እንቱ ዐቤ፡ ፋህም ገብእ፡ እግል ኖሱ እንዴ ሰነ ዐዱ ረፊዕ ወወጠን በኔ ለልብል ረአየ ሀበት።

አማናቱ፡ ጅነ እንዴ ኢነአፈድኡ ተረፍነ ምንገብእ ለምን ሕማማት እግል ንዳውዩ ነአፈግሩ ማል ምን ሕኩመት እግል ፍድኢት ለተአፈግሩ ማል እብ 16 ዕጽፍ ዘይድ። እሊ ለመጸጸት፡ ምስክነ ውበዕድ ተካሊፍ ክም ትወሰከ እቱ ኢነሰእ ክታብት ከሳረቱ አክል አዩ ዐባይ ክምተ ለተአፍህመን መሰል ንኢሸት ተ።



ክምሰልሁመ፡ ለእለ ሐድገዩ እንዴ ሐድገዩ ክታብት እተ ሀሌት እተ አካን እብ አጀኒተን ምን ረክበ እብ መካይን፡ እብ መጽዕን ወክሉ ምን ኢረከባመ እብ እገረን እት አካን ክታብት እት ወክደን እንዴ መጽአየ አጀኒተን ለአፈደአ ለሀለየ እማት ዝያደ ሐመደተን። “ህተን መሀርተን ምን ኢሰ’ደ ክእነ እብ ዐውቲ እግል ኒፋሽ ወኢቀደርነ” ሀዩ ትቤ። ክሉ መጅተመዕ ኤሪትሮፕ ደሐን አጀኒት ክም ዳዩ እንዴ ረአየ ምን ተዐንደቀ እሉቱ ድኢኮን ውሳረት ዓፍዮት በይነ ለትትሐዜ ፍገሪት ክም ወኢረክበት እንዴ ትሸፊሕ ሀዩ፡ ሕኩመት(ውሳረት ዓፍዮት) ሰብ ሸርከተ ወሸዐበ እብ መቅራሕ ወመፋህመት ምን ሸቀው።

ለሰብብ ሻይረስ እት ሰነት 2002፡ መእረር ሸነብእ ወያብሶ ለከሬዕ ሄሞፊሊስ ኢንፍሉዌንዝ ጅንስ ቢ እት ሰነት 2008፡ እብ ሮተ ሻይረስ ምን መጽእ ፍጋር ለዳሬዕ ክታብት ሮታ እት 15 አጎስት 2014፡ ምን መእረር ሸነብእ፡ መትሰማም ደም ወያብሶ (መኒንጃይትስ) ለከሬዕ ክታብት ኒሞኮካል 2018፡ ምን ኒፎ ወሩቤለ ላዳሬዕ እት 2018፡ ክታብት ያብሶ እት 2019፡ እብ እብረት ለትትሀዩብ ፍድኢት ፖልዶዮ እት 2021፡ ክታብት ሰረጣን ሰጋድ ርሕም 2022፡ አዜ እት 2025 ወሬሕ አጎስት ለለአነብት ሀዩ ጅነ ውልድ ክም ቤለ ለልትሀዩብ ምን መእረር ከብደት እብ ሻይረስ ሄፓታይትስ ቢ ለዳሬዕ ክታብት

አክልሕድ እንዴ አመረተ እግል ቲጊስ ብእተ። ሐቅ ክታብት ለሀለ ቀሊል ኢመትጠጎም ነፍስ ክም ሐዝ ቀሊል፡ መጸጸት፡ ረ’ሰት እት አካን ምርጋዝ ክም ሀለ እግል ትትሐበር፡ ሚ እግል ቲዴ ክምቤ እለ ውላደ ነሰአ ለሀለ ፍድኢት ምን ሚ ክም ትዳፊዕ እሉ እግል ትኦምር ሀዩ ሐብሬ እግል ትሰኣል ወራቱዕ በሊስ እግል ትትሀዩብ ሐቃቱ። ሐካይምመ እት ሰኣለ በሊስ እግል ለሀሰ ወእግል ትኦምሩ ለብኣት እግል ለአፍሀም ዋጅቦምቱ። ለቀሊል ወንቡር ሐቅ ፍድኢት ለልትረኤ ሐዝ ቀሊል፡ መጸጸት እት አካን እብረት፡ ብዘይ ወኢራሐት በዲረ እንዴ አመረቱ ኢጸንሐት ምንገብእ፡ ጅናዩ ሐመ እንዴ ትቤ እግል ትሻቀል ወምን



ጽንዓት ብርሃኔ፡ ጀህረት ሽቃለ ውዛረት ሐርስ - 2023

አሰይደ ጽንዓት ብርሃኔ ትትበህል። ዲብ ውዛረት ሐርስ ፈሬዕ ወጠንያይት መደሰሰት ብሐሰ ሐርስ፡ መስክላት ውሕደት ብሐሰ ቴክኖሎጂ ነብረ (Food Technology Research) እንዴ ገብአት ትከድም ህሌት። አሰይደ ጽንዓት፡ በዐል ዕያል ወእም ሐቲ ውላድ ተ። እት ሰነት-2023፡ እብ ደረጃት መክተብ መርከዚ ውዛረት ሐርስ፡ ክል ሰነት እግል ለሐሰው ሽቃለ ለትትህየብ ቅቡልየት (ዜነት) ጀህረት ምን ክሎም ሽቃለ ሐርስ ረክበት። ሓይሰት-ሓይሳም ሰነ እንዴ ገብአት ህይ፡ ጃእዘት ትሰርጌት። መጀለት ፍሬ-ካድም እብ ክሰሰ ዓም ተእሪክ ቀዳም ወእዜ ትሸቁ ዲቡ ለህሌት መጃል ለወዳት ምስለ ህጅክ ሐጫር እለ ተሌ ተ።

ሰኣል፡ ክሉ ተጃርብኪ እት ተዕሊም ወምህነት እግል ትድግሚ እልነ?

በሊሴ፡ ዕምርዬ ሰነት ምህር ክም ተ'መ፡ እት ረውደት ኤክሰፖ ኦቴቲ። ምን አወላይ አሰክ ሳልሳይ ፈሰል ህይ እት መደንብታይት ቤት-ምህር ጋሽ፡ ምን 4ይ አሰክ 8ይ ህይ፡ እት መደንብታይት ወምግባይት ደረጃት መድረሰት ፍሬ-ሰላም ደረሰት። ናይ 2ይት ደረጃት ምህርዬ ህይ፡ እት መድረሰት በሐር ቀየሕ አትመም። ወምን አወላይ አሰክ 11ይ ፈሰል ለበዜሕ አውካድ ጃእዘት እነሰእ ወምን አደንገብኩ ምን ገብእመ፡ ምስለ ቀዳምያም 10 እትረተብ ዐልቲ። ናይ ካልኣይት ደረጃት ምህርዬ 12ይ ፈሰል እግል አትምም ወዋጅብ ወጠንዬ እግል አግዴ፡ ምስል 23ይት ደውረት ክድመት ወጠን አሰክ ሳወ ትከፊት። እት እምትሓን ካቲመ ካልእ ደረጃት(ማትሪክ) እት ዲግሪ ለልኣቲኒ ንቃዋ ሰኒ ሰበት አምእኣ፡ ዲብ ኩልየት ሐርስ ሐመልማሎ አቴቲ። እት ሰነት 2015 ህይ እብ መጃል ዕልም ሐምሌ ወፈዋኪህ እብ አወላይ ዲግሪ ትደሐርቲ። እትለ መደት ጎነ እት ወጠንያይት መደሰሰት ብሐሰ ሐርስ መስክላት ውሕደት ብሐሰ ቴክኖሎጂ ነብረ እንዴ ትየመም፡ እሸቁ ህሌት። መዋ-መጦር ሽቅልዬ ዲብ መደሰሰት ሰማፕ (SMAP) ምህር ዕልም ሕሳብ ነስኣኮ ከእብ ዲፕሎማ ትደሐርቲ። እት ሽቅልዬ ለሰዳኒ ለትፈናተ ሐጫይር ተእሂላትመ ረከብኩ።

ሰኣል፡ እለ ትሸቁ ዲብ ለህሌኪ ምህነት መጃል ብሐሰ ሚ ተ፤ እብ ክሰሰ ሚ እግል ቲቢኒ ትቀድሪ?

በሊሴ፡ እለ ሰኣል እለ እግል እብለሰ እብ ክሰሰ ክሳር ወቴክኖሎጂ መነት ገሌ ምን እብል ለሐሰ መስል እቴ። መነት፡ ገርብነ እብ ዋጅብ እግል ልሸቁ፡ ሐሊት እግል ልርኩብ፡ ቲሹታቱ እግል ለአታምም፡ ክምስልሁመ እግል ስርዐታቱ እብ ዋጅብ እግል ልራቅብ ለነፊዕ እት ኣነኮ ለልሐልፍ ለአለቡ ሸይ ቲ። ቴክኖሎጂ መነት እበ ዎር እንክር መነት እብ ገበይ ዕልምየት እግል ትትሐፈድ፡ ወለክሳር ህይ እት ሰንዐተ፡ ዕሸበተ፡ ምን ኣነን ዲብ ኣነን እት አትጋዝ መቀዘያተ እንዴ ኢነቅስ እብ ደሐነ እት እዴ

መትነፈዐት እት አብጽሐተ ለሰዴ አምር ፈዳሊ ለልትረከብ ምኑ መጃል ቲ።

አግደ ሽቅልዬ እት ዕሉም መነት ለረከዘ ብሐሳት ውድየት ወኣዳላይ ክቲብ ብሐሰ ቲ። ዝያድ እንዴ ረከዘኩ ለእሸቁ እቲ ናይ ብሐሰ እትጀህመ፡ “ድቁብ (ሕፋስ) ጽብዋ መቀዘያት ለብእቲ ሕርያናት ነብረ፡ ከኣፎ እት ዐግሎን (ጦሾ) እንዴ ተሓበረ ንትአወኩ” ለልብል ሰኣል ለበልስ ቲ። ሸበህ ከፊፍ ላቲ ነበሪት አጀኒት ክም መሰል እግል ንዝከሩ እንቀድር። እለ አጀኒት ውላድ ሰስ ወሬሕ ክም ገብአው ክም ፊሻይ አው ሸብህ ፊሻይ እንዴ ገብእ ለልዳሌ እሎም እግል ልንሰእዉ ለቀድሮ ነበሪት፡ ገርብ ጅነ ለጠልበ ቅያስ ጣቀት (Calorie) ተህሌ እሉ። እለ ነበሪት እለ፡ እት ዐድነ ምን ብዞሕ አጅናስ ኣካል ልትሸቁ ጸንሐ። ምናተ እትለ ገብእ ብሐሰ ክምለ ትረከበ ምን ውሕድ ለትቤ ጣቀት ካፍየት ለብእቲ ኣካልመ እግል ልትዳሌ ቀድሮ። ብዕድ መሰል እግል ንህደግ ገኣነ ምንገብእ፡ ምን እንጣጤዕ፡ ፋል፡ ድብ ወድንሽ ዋዑም ለትፈናተ ምን መቀዘያት ርዘቅ ለገኣ አጅናስ በስክዊት (Fortified Biscuits) እብ ዋጅብ ቅያስ አዳሌ። ጸብጡ ለህለ ቅያስ መቀዘያት እብ ተኣስትህል ትቀየስ ወእብ ገበይ ጌማም ብሐሰ ሐልፈ።

እምበል እለመ፡ እብ ናይ መቀዘያት ጽበጡ ርዘቅ ላቲ ነበሪት ክም እንጣጤዕ፡ ድብ፡ ወለትፈናተ አጅናስ አደንገል ወፋሰልየት እቲ ብሐሰ ወዴኒ። እብ ብዕድ እንክር እት ናይ ቀበት ዐድ ወቅልል ለበል አብሳር አዳላይ ፈርያት ሐሊብ እንዴ አትንከብኩ፡ ለትፈናተ ናይ መቃዩስ ሽቅየት መነት (Recipes) አዳሌ። ምኡምረት ገበይ አዳላይ ነብረ እንዴ ነዐዝም ወለትፈናተ ተእሂል እንዴ እንነዝም አትአመርናሁ። ምስል ተክል ካሳሽ እብ ዓመት ለለኣትአምር ክምስልሁመ እብ ክሰሰ ከሸኖቱ ሐብሬ ለሀህይብ ገሌ ወራታት እትብገሳም ህሌኒ። እት ወሰክ ቂመት መነት ለረከዘ ለትፈናተ ክቲብ አዳላይመ ህይ ክፋል ምን ሽቅልዬቲ።

ሰኣል፡ሽቅልኪ ክቡድቲ ወቅትኪ እብ ከኣፎ ተኣትመቃርሐየ?

በሊሴ፡ አማንተ ለሽቅል ከባድት ቡ። ክሰሰን እም ክም ገብአኩ። ምናተ እግል አንሳት ሐቀ ህዳይ ወውላድ ሐር እግል ልትረፈ መህርተን ለለኣርህየ እበ ምስምስ ኢህሌት። መቃብሉ፡ ታመት መስክላየት ዓይለት ወምህነት እንዴ ረፍዐክ ሄረርት ዝያድ ፊፍዓይ መስክላየት እግል ትግበእ ለሰዴቲ። አናመ ለህለ እይ ሕጭር ወክድ እግል እጋብህ አሰቦሕ አገድ እቀንጽ ወምሴ እንዴ ደንገርኮ እስክብ፡ ከእብሊ ለውቀትቼ ክም ልትኣከል እይ እግል አትመቃርሐ እዋጥን።

ሰኣል፡ ብዕድ ለትሸቁ እቡ ምህናት ህይ ሚ ብኪ?

በሊሴ፡ ወክድ አክለ እረከብ እት ዓያድ ወለትፈናተ መናሰባት ለልትዘቤ ለትፈናተ ጅንስ ስከርያት አዳሌ። እት አጀኒት ህይ ሕሰር ዐቢ ብዬ። እት አብያት ክም መዐልመት እሸቁ። እት ገሌ መኣሰሳት ህይ ሴድያይት ሕሳባት እንዴ ገኣኮ እሸቁ።

ሰኣል፡ ናይ ምስተቅበል በርናመጅኪ ሚ መሰል?

በሊሴ፡ ተዕሊም፡ አምር ወተጠውር(ዐቦት)፡ ሄራር ለኢልትከለስ ቲ። ለእሉ ራክበት ህሌት ዕልም እግል አዳብሩ ወእወስኩ በክት እት ልትረከብ ዲቡ እዋን መዋ-መጦር ሽቅልዬ ድራሰትቼ መታን እግል አተላሌ ነፍሼ አዳሌ ህሌት። እግል ሸዐብ መወለብ(መርጀዕ) ለገብእ ምስል መነት ወእምራድ ዳይም፡ ክምስልሁመ መቀዘያት ብዞሕ ለቡ ነበሪት ምስሉ ለገይስ ወለለሐብር ክቲብ እት አያም ቅሩብ እግል እንሸር እት መዳሊት ህሌት።

ሰኣል፡ እብ ክሰሰ ምስል ህዋየትኪ ለልትጸበዋ እት ዝያደት ወቅትኪ ለትወድዩ ወራታት ሚ ትብሊን?

በሊሴ፡ አውለውየት ለእረትበ ወራት ህዋየትቼ ቅራኣት ቲ። ምኑመ ህይ፡ ምህታት ሐዲስ ለከሰስ ክቲብ ሐፊ። ዲብ ለትፈናተ ኣካናት ጊሰት(ብጽሐት)፡ በሰር መንበር ናይ ለትፈናተ መጅተመዓት ወለዘይድ እት ገበይ መነቲ ልብ እንዴ ከፊክ ርእየት፡ እት ወቀይ አጀኒት መትሓር፡ ምስል ምንዬ ለለዐቡ መትሃጃክ ወተጃርብ ንሰኣት ወሂበት ነፍሼ ለትፈትዩ አሸየእ ቲ።

ሰኣል፡ እብ ምህነት እግል ትዕቢይ ሚ ለመሰል ጅህድ ትወዴ?

በሊሴ፡ እትለ ለዲቡ እሸቁ ህሌት መጃል እግል ዕቤ ዝያድ ለእትነፈዕ እቡ በሰር፡ ለመድ ቅራኣት ጠወሮት ቲ። እግል ሚ፡ ነፈር እግል ልቀረእ ወልፍህም ቀድረ ምንገብእ፡ እት እሉ ሐረ መጃል አምር እግል ለኣከእልል ለትከርዑ አለቡ። ሰበት እለ፡ ቅራኣት ምን አግደ እት ዐቦት



ለትመሬሕ ገበይ ቲ ለእነሰኣ። እምበል እለመ፡ ምህነትቼ ዝያድ እግል አምራ፡ እት ቀበት-ዐድ ወካርጅ እት ትነዘመ ለትፈናተ ተእሂላት ሻረክኩ።

ሰኣል፡ እብለ መናሰበት እለ እግል ተሐሚዶም ለትሐዚ ጀሃት አው አንፋር ምን ብኪ ለበክት ትትፍዒ እቡ።

በሊሴ፡ ሰልፍ ክሉ እትለ ደረጃት እዜ ለአብጽሐኒ ካልቅዬ ሐምድ። እብ መናሰበት እለ ራክበተ ለህሌት ጃእዘት ጀህረት ሽቃለ ውዛረት ሐርስ ተጃርብዬ እግል ልታይኖ መቃብሉት ለወደው ምስልዬ አንፋር ልጅነት መጀለት ፍሬ-ካድም ዝያድት ሐምዴይ ትብጽሐም። ሐቀሁ፡ እትለ ደረጃት እለ እግል እብእሕ ለአትናየተውኒ ዓይለትቼ ወእብ ፍንቲይ ብእሼ ወሕቼ ቅሳነት ብርሃኔ፡ “ነሐርኩም ኢልትደበእ” እብሎም። እግል ሓይስ ወዘር ሐርስ አሰይድ አረፋይኔ በርሃ፡ እግል መስክላል ወጠንያይት መደሰሰት ብሐሰ ሐርስ አሰይድ ጸጋይ ብርሃኔ፡ እት ምኖም ረከብክዉ ምህነታይ-ደሩክ፡ ሲናዶ ወኣትናያት እግል ሐምዶም ሐዜ። እት ሽቅልዬ አክለ ሀንክ እግል እትደቀብ ፍክረቶም ዲብ ለህይዐ ወአብሸሪ ዲብ ልብሉኒ መጦርዬ ለበጥረው እት ዐድ ወካርጅ ለህለው መሻቂትቼ፡ መሳኒትቼ ወምስልዬ ለደርሰው ሐምዴ ዛይደት ተኣስትህሎም።

ሰኣል፡ እት ደንገበ ሚ እግል ቲቢኒ ተሐዚ?

በሊሴ፡ መጃል ዕልም መነት ሰኒ ፋይሕ ወምህም ቲ። መነት፡ እት ገርብነ እንዴ ሰፊት ክሉ ጀዋንብ ዐቦት ወሐለት መዳፈዐት ምን አምራድ ተህይበኩ። እብ ገበዩ ነስኣናህ ምንገብእ፡ ሸፈ እግልናተ። እብ ኢገበዩ ነስኣናህ ምንገብእ ህይ፡ ዕድር እግልናተ። ከእለ ምንገብኣት፡ ሸዐብ እብ ክሰሰ መነት ለህለ እሉ ፈሀም እግል ለዓቤ፡ እብ ጅድየት እግል ልትሸቁ ዲቡ ለወጅብ መጃል ቲ። ውዛረት ሐርስ እትለ መደት ጎነ ጸብጡቱ ለህሌት ሻሬዕ-መርበይ፡ “ደማነት ለበ ቅዛህ ለታምም መነት እግል ክሉ እት ክሉ” እት እንዴ ተንከብነ እብ ለትወቀለት ንዩት፡ ናቅሰት ሕድ ዲብ ነኣታምም እግል ንሸቁ እትፋኔ።

ብዕደት ህይ፡ መሻረክት አንሳት ዲብ ኩልያት ወዐለም ሽቅል እት ወስክ ገይስ ወገበይ ሰኔት ጸብጡት ህሌት። እም ዕያል ለገብኣት ወለት አንሳይትመ እግል ትሸቁ ወተአድሜዕ ትቀድር። ምን ተጅርበትቼ ዶል እርእዩ፡ እት ዐቦት ምህነትዬ ዝያድ ምን አተርገዘኩ፡ ብዞሕ ትጠወርኮ ወእት ኖሼ ለብዬተ ደማነት ትወቀለት። እብ መስክላየት ዛይደት እንዴ እሸቁ እግል እሸቁ ቀደርኩ። ገሌ-ገሌ አንሳት እት ህዳይ ወውላድ ክም በጽሐየ ልትዐናቀፈ ወሽቅለን ለሐድግ እርኤ። ሰበት እለ፡ እበ ትቀደረተንተ እብ ምርወት ወሕርግነት ለምህነታይት ሩእየተን ቀደም እንዴ ረተብያሁ፡ እብ መዕጸም እግል ልካፊሕ ወልትጸገመ እትፋኔ።

ነጃት ዐሰማን

ደህይ ኩልያትነ

ተዕሊም ረሰሚ ለእንብሉ ምን ረውደት አሰከ ለትወቀለት ደረጃት ኩልያት ወጃምዓት እግል ልግበእ ቀድሮ። ምን ልውሕድ 12 ሰነት ለነሰእ አወላይት ደረጃት። ምግባይት ወካልኣይት ደረጃት እንዴ እንቤ እት እንወሰክ እንገይሰ። እግለ ጸብጣሙ ዐልነ ሄራር ዐሰር ክልኤ ፈሰል። ለትወሰክ ደረጃት ተዕሊም። ሐቲ ክልኤ ሰለሰ ወብዕድ ዲብ ልብሎ ደረሰ አምር እግል ወሰኩት አምሮም ወደረጃቱም ዲብ ወሰክ መጽእ። እለን እት ኩሉ መራሕል ተዕሊም ለደሩሰን ሰኖታት ላኪን እግለ ምን ንእሾም ልትሸንህዉ ወእግል ልብጽሕው ለሐዘብ ለዐለው ምስተቅበል ለአሳሰ ሕሳል ተዕሊም ለለአዋሌን እሙር አህዳፍ ቲ። ሰበት እሊ ምን ካልኣይት ደረጃት ሐቆ ሐልፈው ለትፈንተ ክምቲ እሙር ቲ። እግል መሰል ብዘሕ አክትበት እግለ ጸብጣሙ ህሌክ ተዋልል ለሰዴክ እግል ትቅራእ ወዲበ እንተ ለህሌክ ዲቡ ቅሰም ለደርሶ አንፋር እግል ትርከብ ወትታሌ ለአትሐዘ። ምን እሊቲ ለዲብ ኩልያት ሐቆ አቲክ ነፍሰክ ትቀድር ለልትበህል።

ለበዝሐ ማዳት እብ ኖሰኩቱ ለደረሱ ወእብ አማን አሮት ደረሳይ ዲብሚ ደረጃት ህለ እግል ለአምር ሐቆ ገኦ ኩልያት እግል ልድረሰ ህለ እግሉ። እግል መሰል ዲብ አወላይት ደረጃት ምስለ መድረሰትክ ትትባደር። ዲብ ምግባይት ደረጃት ህዬ ለግጅረ እብ ደረጃት ወጠን ገብእ ምን እሊ ኩሉ እንዴ ሐለፈነ ወካልይት ደረጃትመ ዲብ ቀበት ዐድክ ትትጃገር አ'መ ዲብ ኩልያት ዶል ትበጽሕ ለጃግረ እብ ደረጃት ዐለም ቲ። ከሰበት እሊ አሮት ደረሳይ ኩልያት ህኩይ ሐቆ ገኦ። ለእቲ ህለ መጃል ተዕሊም ዲቡ ፍድብነ ሐቆ ኢአርኦ ክም ኢልትዐወት እግል ለአምር ህሌት እግሉ። ለልትዐወት አምበል ሕላሌ ለከድም ሌጣቲ።

ምን ቀደም እለ ንትነፋሶ እቡ ለዐልነ አሰሎብ አግቡይ ሄራር ተዕሊም እግል ንቀይር ክም እንቀድር እግል ንባሰር ህሌት እግል። እግልሚ።ዲብ ኩልያት ለሳድፍ መታክል ሰኒ ብዘሕ ቲ። ገሌ ምኑ ክም ከረ ኢምርኩብ ሰላዲ። ምን ዐድክ አው ዕዳልክ ሪም አው መትፈንታይ እግል ሰኖታት እግል ትክህሉ ህሌት እግል። ከሰበት ሰብር ወከህላትመ እግል ደረሰ ኩልያት ለዐቤት ወምህመት ለገኦት ንቅጠት ቲ። ክመ ትበህለ ዲብ ኩልያት ዶል እንመጽእ 60% ለደረሳይ ቲ ለወድዩ ወለ ዐሰር መረት ፈዳብያም መደርሲን ምን ለህሉመ ደረጃት ኩልያት ለግጽሕ ደረሳይ ርሐ እንዴ ቀድረ ለለአትሐዘዩ እግል ለአዳሌብእቲ። ሰዳይት ዋልዴንመ እግል ትትፈንተዩ ክም አለበ እሙር ምንማቲ። መተንኮብ እት ርሕነ ፈጅር አሰቡሕ ዲብ ምስተቅበልነ እግል ልሰዴነ ቀድሮ። ለደረሳይ ምነ ዮም ለዲብ ኩልያት ለአቲ አብሳር መንበሮህ እግል ለአምር ህሌት እሉ። እሊ ህዬ ዲብ ልትጸበረነ ህለ ሄራር

ሐያትነ ክም ሰዴነ እሙር ቲ።

እግል መሰል ዲብ ሳወ ምን እንረኤ። ለሰዳነ መረብየት ምን ዋልዴነ ወለዐል ህለው። ለደረሳይ እብ ኖሱ ምን ኢሐምቅ ኩሉ ዲብ ሳወ ለህለ ምጅተመዕ እት መጦሩቲ። ዲብ ኩልያት ላኪን ነፍሰክ ቀሪመ ኖሰኩቲ ወአብድዩ ወአብ ቀለዩ ኖሱቲ። ከሰበት እሊ ኩልያት ለግጽሕ ነፈር መሰኡልየቲ ወእዳረቲ ዲብ ርሐተ። ምነ አምዕል ለኩልየት ለአቲተ ምነ እለ ዐለ ነፍሱ ሐዲስ ነፈር እግል ልቀይረ ህሌት እግሉ። ክመ ልትበህል ኩልያት ናይ ፈልሰፊት ድራሰት ለእንረክብ ምነ ወፈላሰፋታት ለተአፈሬ መአሰሰት ቲ። ዲብ ኩልያት ለህለው መደረሲን ምን እንረኤ ህዬ። ሰኒ ትሩድ አምር እግል ህሌ እሎም ላዘም ቲ። ወለ መቅደረት ለአለቦም ዲብ ቀበት ዐድ ምን ልትሰአኖ እብ ናይ ዐምለት ካርጅ እንዴ ደፍዐክ ምን በረ ለለአደርሶ መደርሲን እንዴ አምጸአክ ምነ አምሮም ዲብ ደረሰ አምር እግል ለሓልፎ እንዴ ትበህለ። ትሩድ ጅህድ ገብእ እቲ ለህለ ተዋልል ዐማር አግቡይ ተዕሊም ቲ።

ደረሰ ዲብ ዉቁል ተዕሊም- ኩልያት አው ጃምዐት ዶል መጸኦ እግል ልዳለው እግሉ ለወጅቦም ሚቲ ምን እንብል። አወል ወቀደም ኩሉ ሰብር ወክሃለት ክም ለአትሐዘ። ኩለ ለተአትሐዘዩ ምስል ዲብ ትረክቡ ዲብ አሮት ሀደፍ ክም ኢትበጽሕ አመሮት ለአትሐዘ። አሰከለ እለ አምም ህሌክ ደረጃት ትበጽሕ ምን ብዘሕ ንዩትክ ወሸንህትክ እግል ትትረፍ ክም ቲ እግል ነፍሰክ አትአምን። ምለዐል ኩሉ አመሮት ምህምቲ። ዲብ ጸብጣሙ ለህሌክ ሀደፍ ለዋሌክ እግቡይ እግል ትፈርግ። ምስል ነፍሰ ገለድ እግል ትእቲ። ለምስሉ ትነብር ምጅተመዕ እግል ትትፋህም ምስሉ ወዲበ እሉ ጸብጣ ህሌክ ተዋልል ሐያትክ ክም ሰዴክ ወድየት ለሐሳቲ። ዩምክን ዲብ ደረሰ ቀፋለት ትትረኤ። ለምን ማትሪክ እንዴ ጸብጠዉ ለመጽአው ደረጃት እግሉ ልትፈገዦ ከኢልትሐሰር። አምበል እሊመ ለዲብ ለአቲ ህልው ኩልያት ለትፈናተ መታክል ክም ህለ ዲብ ኢለአምር። ከሰበት እሊ ዲብ ኩልያት ዶል እንበጽሕ ዝያድ ክም ንተረድ ወአምርነ ክም ወሰክ እግል ንባሰር ህሌት እግል።

ነፍሰነ ነአትአምን ወዲበ ዐቤት ደረጃት ተጠውር ወነጃሕ እንገይሰ ክም ህሌነ እግል ንፍህም ብኩ። ዲብ ኩልያት። እኩይ ወሰኒ ኩሉ ህሌ። ምን 6 አቃሊም ወ9 ቀውምያት ለመጽእ አዳም ክ'መ ብዝሐሁ እብ ብዘተሕ ሰኒ ጠባይዕ ወእኩይ ጠባይዕ ሰበት መጽእ እግል ነአንተብህ ህሌት እግል። ዲብ ሐያትነ ዕዉታም እግል ንግባእ ዲብ ነፍሰነ ለጠልቡ ወአግል ለዐውተናቲ ለእንብል አሸያእ መተራድ ወዲብ አካኑ አብጸሐት ምህመት ቲ። እግልሚ። እሊ ሀደፍናቲ ወዲብ ምስተቅበል ነፈዐነ ለእንብሉ አሰክ አክረቲ ነአበጽሐ እግል ንሕደጉ ክም አለብነ አመሮት ለአትሐዘ።

ኩልያት ምን ክም እንተ ርሕከ ለተአምር ዲቡቲ። ወቅት ስካብከ ምን ልውሕድ። ወቅት ህጅክ ምን ነቅሱ። ለእለ ተሐዘ ሸንህት ምን ኢትረክብ። እግል ቲደዩ ለብክ ናይ ዶሉ ጋራት ምን ተአትካርሙ ወኢትገይሱ ፈጅር ላኪን ለአሙ ህሌክ ምስተቅበል ባርህ እግል ትብጽሐ ክም ቲ ሸክ ኢቲዴ። እግል መሰል። ለፈኩ እግል ትፍደዮም እብ አኖካይ ልትጸበሩክ ህለው ሕክመትክ ወሸዐብክ ዶል ትትዘከር ወለ ሐቲመ ደቂቀት እንዴ ኢትዓርፍ ምን ትሸቄ ተዐብ ኢትርኤ። አክል-አክል ሐበን ልትሰመዐኩ። ኩልያትነ ዲብ እሊ ወቅት እሊ ሐዲስ ወዋወር እብ ቲክኖሎጂ ለተለ አግቡይ ድራሰት እምቡት ህሌ። እበ ናይ በዲር ዶል እንረኤ እምተሓን ክልኤ መረት ዐለ። ለአወላይ ሰር ሰነት ወለ ካልኣይ ናይ አክር ሰነት። አዘ ላኪን ኦተላላይ ላቡ ጌማም ሰበት ህለ ክል መረት ለደረሰ። ዱሉያም ዲብ እንቶም ጸነሐ። እሊ መራቀባት እሊ ሀደፋ። ደረሰ ዲመ ምስል ድራሰት ክም ቶም አሸዐርቶም ቲ። እምበል እሊመ መሻክል ዓፍየት ህሌ። ከለብዝሐ እምተሓናት እግል ደረሰ ዲበ ሐቲ



እብለ ገብኦ ምስምስ (ሕማም ልግበእ ውበዕድ) ምን ኢልትዐውቲ። ዲበ ተ'ሌ እምተሓናት በክት ናይ ነጃሕ ረክቡ። እሊ እግል መደረሲን ለኩብደ ጸርቲ ወእግል ደረሰ ለዐቤት ሰዳይት ቲ። ተርቲብ ደረጃት አርቃም ክእናቲ። ምን 80 ወለዐል ለለአመጸኦ ሰኒ ፈዳብያም A ልትሀየቡ። ወለእሙር ጌማም ደረጃት በህለት ስኬል ምን 70 አሰክ 79 - B ልትሀየቡ። 69 አሰክ 55 -C ምን 50 ወተሐት D ልትሀየቡ። ሰኒ ድህርት ደረጃት ምተሐት 40 ዶል ለአመጸኦ (F) ልትሀየቡ። ወእሎም ለርፋም ቶም። ዩምክን ለእምተሓን ከአፎ ዐለ ለልብል ሰኦል ለህሌ። ዲብ ከባደት ወቀላለት እምተሓን ጌማም ልትሀየብ። እግል መሰል ለእስታዝ ናየ ማደት ለእምተሓን ዶል ለአፈግሩ ናይ ክል ፈሰል ልጅነት እምተሓን ሰበት ህሌት እሉ ልትረኤ ወጌማም ወዱ ዲቡ። ለእምተሓን ለፈደበ ደረሳይ ለበልሱቲ ሚኮፎ እበ አምር ወቅድረት ናየ ደረሰ ልትረኤ ከልትሀየብ። እሊ እግል ኖሱ ደረጃት ለምን 50 ሀምጸካህ ከምተ እግለ ናይ አክር እምተሓን ጌማም ነፍሰ ተሀይብ። ወለ ዋልዴን እለ ነቲጅት እለ ዶል ልርኡ ውላዶም ዲብሚ ደረጃት ክም ህለ ለአምር።

ለገኦ ደረሳይ እበ እለ ለሀመጽእ ድህርት ደረጃት ሰአየት እግል ልብተክ አለበኒ ደረጃት ለጀምዕ እቲ እምተሓን ብዝሕ ህለ እሉ። ኩልያት አካዳምየት ለደረሰ ምነ ሌጠ ኢኮን ብዘተሕ ተጃርብ ሐያት ለእንመርሕ እቡ ክም እንረክብ ምነ እግል ነአምር ወጅብ። ኩሉ ኢደማነት ነፍሱ በቲክ ሰእየት። ወለ መሰሉ እግል ልሳድፈነ ኢቀድር። ከሰበት እሊ ኩልያት ለዐቤት ወለ ሐሰት አካን ዴማት አምር ቲ። ዲብ ኩልያት ለህለዩ መክተባት (ላይብሬሪ) ለትፈናተ አክትብት ናይ ወጠን ወዐለም ሰበት ህለ ዲበን እግል ደረሰ ዝያድ ኩሉ ሴድያይ ቲ።እግል መሰል ዮም ዓመት። ኩልያት ዕሉም ወቲክኖሎጂ ማይ ነፍሐ ዝያድ 2000 ደረሳይ አወላይት ሰነት ትክበተዩ። ምን እሎም ለበዝሐው ዲብ ካልኣይ ሰሚስተር ድራሰቶም ደረጃት ነጃሕ በጽሐው ፡ አዘ ዲብ ናይ ዮም ዓመት አወላይ ሰሚስተር። 87% ሐልፈው ወዲበ መጽእ ካልኣይ ሰሚስተር ምን እለ አዘ ርክብት ለህሌት ደረጃት ለሐሰት እግል ትትረከብ አምበል ሕላሌ እግል ልትከደም እሉ ቲ። ቅያስ 2.6% ለገበኦ እንዴ ተርፈው እትኩሩማም ህለው። እብ ክምኩም ናይ ነጃሕ ሰአየት ምን ሰነት እት

ነአድርሰም ህሌት እኩ። ብዝሓም ፈዳብያም ደረሰ እብ አከይ አደብ ምን ኩልያት ለልጠሪዞ ሰበት ህለው። አደብ ምለዐል ኩሉ ክምቲ ዋልዴን እግል ልአሙረ ሰኒቲ።

ከደረሰ ጃምዐት ክም በጽሐው እንዴ ኢገብእ ምን አወላይት ደረጃት እንዴ አንበተው መዋ መጦር አካዳሚ እብ አደብ እግል ልዕበው ወለ ህለ እሎም ሀደፍ ወመግጽሕ እግል ለአምር ሰዲ ለዐቤት መሰኡልየት ዋልደን ቲ። ሰበት እሊ ለእብ አደብ ዓቢ ደረሳይ ወለ ዲብ ኩልያት ምን ለአቲ ለለዐንቅፋ መታክል አለበኒ። ዩምክን አሰክ ለሸምሎም መታሊት ወመላህያም ሐቆ ኢሳደፈው። እሊ ደረሳይ እሊ ሀደፍዬ ሚቲ አሰኩ። አነ ሚኢፋሉ እንዴ ቤለ ርሐ ልትሰአል ሐቆ ገብኦ ለተዋልል ኩሉ ፍህሙ ሰበት ህለ እብ ሸፋግ ዲበ ራትዐት ገበይ እግል ለአቅብል ቀድሮ። እግል መሰል ዲብ ሐያትነ እት ክል አምዕል ዐውቲ ህሌት ከእግል እለ ዐውቲ እለ ዲብ አምዕላይ መንበርነ እንረክበ ህሌነ ሚኮፎ ነፍሱ ልትሰአል። እሊ ለህላቲ ርሐሐ እንዴ ጌመማ ሐቆመ ኢጌሰ ለህለ ዲቡ ንቁላት እንዴ አማረ ምን ገበይ በደ እግል ለአቅብል ኢቀድር።

ከአጀኒትነ ሕርየት እት ነህይቦም እግል ነአደቦም ህሌት እግል። ሕርየት ሂበት ምን ገበዩ እንዴ ሸክፍ አትቃመቶት ኢኮን። ውላድነ እግል ነአምሩ ህለ እግል። እብ አማን ወራትዐት ገበይ ወምስልነ ዲበ እግሉ ለከሰስ አሸያእ ሐቆ ኢትጋሚነ ምስሉ። ኩልነ ሕድ እንቀሸሸ ህሌነ በህለት ቲ ወእለ ሐቆ አመረ ዝያድ ምን እዴነ ፈግር። አዘ ምስል እሊ ለደረሳይ እበ ዲብ ሳወ ለሀምጸኦዩ ደረጃት አግል ኢትቀሸሸ ምን ዋልዴን ወሙደርሲት ምክር ወሐብሬ ክም ረክብ ወድየት ሙህም ቲ። ምስል እሊ መሳኒቲ ወመታሊቲ ከራምንቶም እግል ነአምራ። ለሐፍዝ ህለ ሚኮፎ። ዋልዴን እግል ውላዶም ክም አጫብዕ አደዮም ምን ለአሙርም ዝያድ ሸባብነ ተቅዩር ወመጽኦ።

መደርሲን ኩልያት እግል ዋልዴን ውላዶም እብ ኢገበዩ እግል ለሐንቅቆ ክም አለቦም መክሮ። “ሰፊረት እት ረከሰ ዕጩት ምን ወዲቅ ኢትፈርህ ደማነተ እት ደንብረ ሰበት ብእተ “ልትበህል። ከአዘመ ውላድነ በደል ዋልዴነ እንዴ ቤለው ትንክባሆም ዲብነ ገብእ። ደማነት እት ረሐም ምን ወዱ ለሐይሱ ዲን ኩልያት ዕሉም ማይ ነፍሐ ፕሮፌደሰር ገብሬ አሰገዶም ለሓለፊዩ ልእኩት። አሮት ደረሳይ ዲብ እለ ሐቆ መጽኦ እለ እግል ኢደያቲ ለልብል እግል ልውደዩ ህሌት እሉ ሰበት አሊ ክም ደረሰ ወሰብ መግጽሕ ወምስተቅበል ኩሉ ለልትሀየቦም ምን ወዱ እግል ልንጀሐ ቀድሮ ኩሉ ለልትበለዕ ወልሰቲ ወመሰከብ ህለ ሀመቶም ዲበ እግል ሊደወ እትፋኔ ፈጅር ምጅተመዕ ወአለ ወጠን እግሎም ልትጸበሮ ህለው ኩሉ እለ ወጠን ለትጠልቡ ዲብ መሸንገል ሸባብ ቲ።

ገዜ እግቡ ደ እኔ ከግብጽ መክከ ደክ ነፍሰክ እግቡ ትፍቴ ከሰዓት

ምን አትግቡት ነፍሰክ ብጠር አትግቡት ሐቴም እግል ልበድል አቀድር፡ ከእት ቅብላት ነፍሰክ ለትወድዩ አትግቡት ክሉ ረእሱ አትትከበቱ፡ ነፍሰክ ክመ እለ ህሌት ትከበቡ፡፡ ክሉ ልትበደል፡ እት ነፍሰክ ለትወድሁ አትግቡት እብ አፋሉታይ መትብዳል ለዐይረክ፡ ነፍሰክ ክመ እለ ህሌት ተከበትካህ ምን ገብእ ህዩ አሆታይ መትብዳል እግል ትርኢቱ፡፡

ነፍሰክ ሳምሐ ወኢትጽባብ እት

ለሐልፊት ግድም እብነ ክሬ ዲብ አትፋቀድ፡ እት ወቅት ለሀይ እንተ ሐቴም አገሰርኩ፡ እግል ቲደዩ ለዐለት እትከ ዐደድ ሐሊትክ ትጽገምኩ፡ ወእሊ ክሉ እት ወቅት ለሀይ እት ዐለ እግልክ አምር ወፊህም ለልክትንክብ ቲ፡፡ አዜ ግድም ዐቤክ ወሽገልክ ወብዙሕ ትበደልኩ፡ ወእምበል ሽክ ምን ቀደም እለ ትነብረ ለዐልክ እዲነ ለትትፈንቱ እዲነ እግል ትንበር ቲ፡፡

ምስል ነፍሰክ ሽሉጥ ወመሰረ ወምስተሕምላይ ግበእ

ምስል ነፍሰክ ሽሉጥ ግበእ፡ እግል ነፍሰክ መሰረህ ግበእ፡ ነፍሰክ

ብዙሕ ተሐመል እለ ወካሰተን ህዩ እግቡ ደ ፈክሮት ሐዲስ እት ትትዐለም እቲ ወቅት፡ ነፍሰክ አክል ሕድ ክመ ምስል ነፈር ብዙሕ ለትፈትዩ ለትትዓመል እበ ገበይ እበ ተዓመለ፡፡

ዐቅልካም እብ መሸለጥ ታለዩ ድድ ኖሰክ ለትወድዩ ክራህዩት ፍገራት ናይለ ናይ ኖሰክ አፍካርቲ፡ ገለ አፍካር ሰበት ህለዩ እግልክ እብ ሰበበን ነፍሰክ እግል ትክረህ መእግል ትእበ አወጅበኩ፡ እለን አፍካር እለን እብ ብዕዳት ፈታክ እግል እለ እዲነ ለለአክደ አሆታይት አፍካር በድለን፡፡

ሐመዶት ነፍሰ አትግቡት እት ናይ ክርስ ርሕክ መመዕነውያትክ ደማር ለአጃሬ፡ ሓምዴ ህዩ ሕሽመት ተሀይበ ወመዕነውያት ክብ ክም ልብል ትወዴ .. ከነፍሰክ ዐደድ ሐሊትክ ሐምድ፡ ወእግል ርሕክ ቀሊላት ላተን ጋራት እብ ከፎ ክም ትትዓመል ምስለን አሰእለ ወአፍህመ፡፡

ክል ዶል እት መጦር ርሕክ ብጠር

ለትፈናተ አግቡይ ርሕክ ለትሰዴ እቡ እሉ ባሰር፡ ምስል መሳኒትክ ትዋሰል ወእግል

ልሰደወክ በክት ሀቦም፡ ሰዳይት እት ዶል መሕገዝ ዶል ትሰእል ምን እሊ ኖሱ እሻረት ደቅብ ወሐለት ቲ፡፡

ለኢፋሉታይም ጀዋንብክ ፍተዮም

እሎም አፋሉታይም ጀዋንብ እሎም እንተ ገሌ መሓግዝ እግል ተአርቲዕ ሳትት እት እንተ ክም አምጸእካህም እንዴ ፈሀምክ ትከብቶም ወእዕትራፍ ሀቦም፡ ምናተ አዜ እንተ አሆታይም ሐዳይስ አግቡይ መሓግዝክ እግል ተአርቲዕ እቦም ለትቀድር ራክብ ህሌኩ ከነፍሰክ ሐቴ እንዴ አትጽብጥ እቲ፡ እግል ናይ በዲር አፋሉታይም አብሳራትክ ኬን በሎም፡፡

ለዘት እዲነ አክልሕድ አዳውረ

ለሰነዕ ለእት ዘመን ንእሽክ ብዙሕ ለአፈርሐክ ዐለው ትፋቀዶም፡ ከዲብ እለ አዜ ለህሌክ እት ሐዶትክ ትነፈዕ እቦም፡ ለውቀት እግል ትርክብ እብል እለ ብክ ቅድረት ትጽገም ወባሰር፡ እበ እለ ትወዴ ክል፡ ነፍሰክ እብ ለውቀት እዲነ እግል ትሸዐር በክት ሀበ፡ ፍረሕ፡ ትለወቅ ወትሰሐቅ፡ ወእለ እዲነ ምስልክ ክም ትፈሬሕ ወትትለወቅ ወትሰሐቅ ውደዶ፡፡

ምን አግደ እት ታሪክ ዐድን ምህማት ለተን ዕለታት

- 6000 ቀ. ተ. ነቢ ዒሳ ለትቀደመ ናይ በዓት ርሱማት ዲብ እክለ ገዛይ ወሳሕል፡፡
- 2500 - 1500 ቀ. ተ ነቢ ዒሳ ናይ ቀዳምያም መሰርዩን አማዳድ ትጃረት አሰክ ሰዋሕል በሐር ኤረትርዩ፡፡
- 1500 - 1200 ቀ.ተ. ለትቀደመ ግብለት ዐረብ ምስል ሰዋሕል ኤርትርዩ ሰለት ክም ዐለት እሉም ለልሐብር አሻይር፡፡
- 700 - 500 ቀ.ተ. ተአሲራት ግብለት ዐረብ

ዲብ ምግብ ኤረትርዩ (ቀደም መትአሳሰ መምለክት አክሱም) ለዐለ ተጠውራት - ናይ አውሎታት ሓደረት፡፡

• 500 - 300 ቀ.ተ. ናይ ደገጊት ሓዳረት ዲብ ምፍጋር ጸሓይ እክለገዛይ፡፡

• 230 ቀ.ተ. ሚነት ዐዶሊስ እብ ፕቶለሚዩን ተአሰስት፡፡

• 100 ሓ.ተ. መትአሳሰ መምለክት አክሱም - እግል ትግራይ ወእክለ ገዛይ ወዐዶሊስ

ልለአትራክብ ክጡጥ ትጃረት እት ሐን ሰይጠረተ ወዴት፡፡

• 200 - 255 ሰልጠት ወምልክዩት መምለክት አክሱም ወአዶሊስ እት በሐር ቀዩሕ ተአመረ፡፡

በህል

- መሲቀት እበ ዎሮት አንክረ ምን እለ እዲነ እግል ትህረብ በክት ተሀይበክ ዲብ ህሌት፡ እበ ዎሮት አንክረ ህዩ እብ ክሱስ እለ እዲነ ቁሩይ ፈሀም ክም ለህሌ እግልክ ትወዴ፡፡

- መሳኒትዩ፡ እለ እዲነ ሸተን በተን እንዴ ወዴተን አትባዴተን ምን ገብእ፡ ምን ፊቃዶታትኩም አትትረሰዑ፡፡

- አነ አክል ሕድ እተለ ተአስትህለኒ አካን ይህሌኩ፡ አትጥበጦ ዲብ እለ እሕሳስ እሊ አነ እግል አራመ ሐለት አለብዬ፡፡ አናዲ እት ተአስትህለኒ አካን ይህሌኩ፡፡

- ምን ናይ መግለል መራትብ ሐቴ፡ ለሐልፊት ወበዲር ለተመት ጋራት እበ እት ትተዐስ ወቅት ረዩም ዶል ትነሰእ ቲ፡፡

- ላመ ሐሴ ለገረሚሕ እንዴ ወዴክ ገሌ ምን ከፈፍል ገራብክ ለሳበረ፡ ሐቴ ምዕል ህሌት ለእለ ተሐምዱ፡፡

ልግብ

ጽድቅና ልማት ለህልውናህ ዋና ነገር!

ውሮት መንደላይ ክም እለ እት ልብል ዳገመ ... በጽሕ እትለ ዐልኮ እቲ ወቅት ምን ዐድ ሰኒ አረይም ወድንጉር እት አነ አቀብል ዐልኮ፡፡ እሊ ህዩ እግል ዋልዳይትዬ ሰኒ ሻቅለ ወለአትቀጥብ ነብረ፡፡ ለሰበብ ህዩ አነ ዲብ ቤት ይእበልዕ፡፡ ወአሰክ ሰር አደሐ ዲብ ስካብ ሓልፋ ወላሊ እምዬ ክም ሰክበት ሰኒ እኩር ዲብ አነ ዐይር ዐልኮ፡፡ ህተ ህዩ እግል እለ መሸክለትዬ ሐል ሰበት ሰአነት፡፡ እት ደንገበ ክል ዶል ወረገቲት እንዴ ከትብት እትለ አፍለ ተላጀት ተሀንጦጥለ እግልዬ ክትሰክብ ዐለት፡፡ ለወረገት አካን ልድራርዬ ብዲበ፡፡ ነውዕዩቱ ወእብ ከአፎ ገበይ ክም ትሸቀ ተሐብረኒ ዲብ ዐለት፡፡ ምስል ወቅት እለ ልእክት እለ ሰኒ ሰበት ትጠወረት እምበል እሊ ለዐል ለትዘክረ ሐብሬ ብዕድ ክም ለረሱሕ በለሊት ለልትከሬ



ዲብ አካን፡፡ ወአትፋቀዶት ሰኒ ምህማም ላቶም መዋዲድ እት ከም ክም መጽት፡፡ ወእብል ገበይ እለ ዘመን ብጽሕናዬ እግል መደት ረያም አተላለ፣ ሐቴ ላሊ ሰኒ እኩር ዲብ አነ ዲርኩ፡፡ ለልምድት ርሳለትዬ ዲብል አፍለ ተላጀት እት ተሀንጦጥል ጸንሐተኒ፡፡ እለ ምሴት እለ ለቅርኣተ ተሀኪኮ ምን፡፡ ወእባዬ እት ስካብዬ አቴኩ፡፡ ምድር ክም ጸብሐ አመተ አለብዬ አቡዬ ዕንታቱ አናብዕ እት ጃምም ምን ስካብዬ ሀረሰኒ፡፡ ዋልዳይትዬ ሞተት ...!! እሊ ከበር እሊ አክል አዬ አምጠጤ መሰለኩም? አሰክ እንቀብረ ወረቢ ልርሐም ንትከበት አሰበርኩ፡፡ ምድር ክም መሰ ሰኒ እሱፍ እት አነ ወልብዬ ምን ክትር ሐዘን እት ልትመጨር ምንዬ ቤት ዐቅበልኩ፡፡ ዲብል ዐራትዬ እብ ምንቅራርዬ ትለክፍኩ፡፡ መደት እንዴ ይእወዴ አመተ አለቡ ምን ምትክራርዬ ብት እብ ቅንጽት ወዴኩ፡፡ ለእትለ አፍለ ተላጀት ተሀንጦጥል ለዐለት ወእብ ሰበብ ሀካትዬ ማሌ ምሴት እንዴ ይእቀረኣ ለሰክብኮ ርሳለት እምዬ ፈቀድኩ፡፡ እብ ሸፋግ አሰክለ ከሺነት አተጀህኩ፡፡ ለወረቀት ምንል ምህንጦጣሊ ነዘዕኩህ ወቀረእኩህ፡፡ እለ መረት እለ ቅዶስ ለአለቡ አሰፍ ወፊኒ፡፡ ለርሳለት ክም በዲረ አዋምር ወተዕሊማት ወምክር ኢኮን ጸብጠት ለዐለት፡፡ አሮት ጋር ሌጠ ክቱብ እት ዐለ፡፡ “ገራብዬ ቀትለኒ ሀሌ፡፡ ዶል ለእለ ትመጽእት ሀርሰኒ ሕክምነ እግል ትንሰአኒ” ትብል ዐለት፡፡

ተበሰም

መሕገዝ

ዎሮት ነፈር ዲብ ዎሮት ውሕር መለሀዩ እንዴ ጌሰ ክም እለ ቤለዩ፡ “መለሀይ አነ ዮም ሰኒ ሕጉዝ እትክ ዲብ አነ ማጽእክ ህሌኮ”፡፡

ለመለሀዩ ህዩ ክም እለ እት ልብል በልሰ ዲብ፡ “አናመ እንታዲ ሰኒ ሕጉዝ እትክ ህሌኮ፡፡

ለሰልፋይ ትሰአለዩ፡ “ምንዬ ተሐገዩ ሰዳይት ትውሐድ ትብዘሕ ሚ ህሌት?!”

ህቲ ህዩ ክም እለ ቤለ፡ “ምራድዬ ክም ተአተምም እግልዬ ገለድ እንዴ ኢበእክ እግልዬ ላቲ ሐራም እትዬተ ለመሕገዝዬ እግል ይአሰእለኩ፡፡”

ለሰልፋይ አዜመ፡ “ከላስ ምራድክ ርክብ ገለድ አቲ እክ ህሌኮ” ቤለዩ፡ ህቲ ህዩ፡ “ምራድዬ ሐቴም ጋራት እበ እግል ኢትሰእለኒ እትፋኔክ” ቤለዩ፡፡

ለሰልፋይ እለ ክም ሰምዐ፡ “ከምራድክ ርክብ” ቤለዩ ወምነ ገጹ ትገልጠጠ እለ፡፡



ሰወር፡ አብረሃም በዩኔ

ዐዲ ሐወሽ ርሽመ፡ ለፋርስ ዲቡ አግሀመ



ፍራስ ቅዋት ድፋዕ ኤረትርዮ፡ ምን ሐቆ ሕርየት ዲብ ለትፈናተ ምድር ኤረትርዮ ዲብ ገብእ ወራታት ዐማር ወመርሀዮ ገቢሎም፡ ሰልፋያም መሻርከትለ መሻፊዕ ዐማር ቶም። ህቶም፡ እት ባካቶም ዲብ ገብእ ወራታት ዐማር ወጠን እብ ገዝም ልግበእ ወእብ ወለት ገበይ ለሸቅል ላዝም እዳህም ለሓብሮ ዲቡ።

እት ዮም 3 ማዮ ዲብ ዳሕየት ዐዲ-ሐወሽ ለህለው ቅዋት ድፊዕ፡ ሸቅወ ለህለው ተምሳል ሹሀደእ ወባጽሑ ለህለ ምቅያስ ሸቅል እግል ንርኤ፡ ምስለ እግል ልጋንሕም ወለአትናቶም ክስኣም ለዐለው አንፋር ከፈፍል ዲሸ 70 ወ16 እተ ዳሕየት ባጽሓም ዐለ።

እለ ምን በዲረ እት ገበልነ ለጸንሐት ሕድርኖት ሰብ ኬወ፡ አዜመ እት ክል አካናት ዲብ ሸቁ ለህለው አንፋር ቅዋት ድፊዕ ክም ዓደት እንዴ ትለመደት ተአተላሌ ህሌት።

እለ ዲብ ዐዲ ሐወሽ ልትሸቁ ለህለ ተምሳል ምን ሰነት 2023 እንዴ አንበተ፡ ለዲብ 1977 ምን ፍራስ መናድሊን ጀብህት ሸዕብየት እብ ብዝሐ ለአስተሸሀደው ዲቡ ድፍዓት ላምዛ-ሰሓርቲ ወኩሉ ድዋራት መፅጽየት ምን ግብለት አስክ ምፍጋር ጸሓይ አስመረ ለህለ አብረት፡ ለአስተሸሀደው ፍራስ ሀይከሎም እት ሐቲ አካነት እንዴ ትጀመቦ፡ ለአካን ምን ሕኔት መቅበረት ሹሀደእ ሌጠ ትትሰሜ፡ ሸክል መትሐፍ እንዴ ትሸቁት እግል ዲመ አካን ዝያረት ወዝክረት እት እንተ ጀላብ እግል ትንበር ለሀደፊ ዝያረት ተ ለዐለት።

አንፋር ገዳይም መናድሊን መሕበር መትሰዳዳይ ከፈፍል ዲሸ 70.16፡ አተቡስ ዐባይ እንዴ መልአው ወእሮ ጅንስ ልባስ እንዴ ለብሰው፡ ምስለ ፍራስ ኬወ ላቶም ቅዋት ድፊዕ እግል ልውዐሎ፡ ወታሪክለ ጀላቦም ተምሳል ልትሸቁ ለህለ ሹሐሀደ እግል ልትዘከር፡ “እት ገለድ ሹሀዳነ እንዴ ሐጠዋኑ ሀደፍነ ሐቲ ገብእ ቱ!” ለልብል ሸዓር እንዴ ገልበበወ፡ እስልፍ ምን አስመረ እት ልትፈተቶ፡ ዲብ አካነት ተምሳል፡ እብ ለመሸሮዕ መሬሕ ለህለ ፎርማን እዮብ ፍሰሓጽዮን ሐሬሕ ሐጨር ሀበዮም።

መናድል እዮብ እንዴ አትሉ፡ እት ትትበኔ ለህሌት መቅበረት ሹሀደ ላምዛ -ሰሓርቲ ገእብ ለህለ ወራታት ወለሸቅል ባጽሐ ለህለ መርሐለት እት ወዴሕ፡ ለዲብ ወሬሕ ጁላይ 2023 ለአንበተ ሸቅል፡ ዲብ 3 ሄክታር ርሕብ ለትዳለ 886 ምትር ለሪመ ዘሪበት ወዲብ ቀበተ ለትሸተለ ዕጩይ፡



መጋንሐት እት ተምሳል ሹሀደእ

ወብዕድ አሸቃል ለክስስ ሸሬሕ፡ እግል መጋንሐት ታሪክ ወሼቅዮቲ ሀበ።

እለ መሸሮዕ አክቤ ታሪክ ሹሀደእ ላምዛ-ሰሓርቲ፡ እት ሰለስ ሄክታር ርሕብ ለበ አካን ለትክለበ እት ገብእ፡ ምኑ ለ900 ምትር መረበዕ አካን እግል ተምሳል፡ እግል መጀርብብ ካፊሎት ማይ ለገብእ ወክል ምንን 46 ምትር መክዐብ ማይ ለጸብጠ ክልኤ ባስከት ማይ፡ 40 ምትር መክዐብ



ፍርቀት ዓዳት ክሌማ

ርሕብ ለቡ መክዘን አላት ሐን አርድ፡ እግል ዝክረት አምዕል ሹሀደእ ለገብእ መሰረሕ ንኢሸ ለቡ፡ መክተብ ወእግል ዋርድዮቲ ለገብእ አብያት ወ1,500 ዕጩት እንዴ ትሸተለየ ዲቡ፡ ለሸቅል ዲብ ናይ አትጋራም መርሐለቲ ዕዳይ ክም ህለ መናድል እዮብ አብረህ

እግልኑ።

ሕናመ ለሸቅል ክም ረኤናህ፡ ደሚር ለረዬሕ ወታሪክ ሐበን እግል አምጽኦት ሕርየት፡ ሸዕብ እብ ዳሉቲ ወስያደቲ እንዴ ዐቅቤ ዮመቲ ሹሀዳህ፡ እት አካን ዝክረት ሐበን ምን ጀምዐዮም፡ ጋን አክል ሕድ ሰክቤ፡ እትለ አካን ተምሳል፡ ክል ሸሂድ ጁብ ለትመሰል ዐራት ፍንቲት እንዴ ትዳሌት እሉ፡ ከዲብ እንዴ ተአክቤ፡ እት ማርሞ ለትወቀረት ታመት ሐብሬ ሰሜቲ፡ አካን ወዕለት እስትሸሃዱ ወብዕድ ሐብሬታት እግል ልግበእ እታ ቱ።

እሎም ሼቅየት ታሪክ መናድሊን መብዝሐም፡ ለባካት ሰኔ ለልአመሩ ወእተ ሕሩባቲ ለሻረከው ሰበት ዐለው፡ እግል ሕድሕዶም ዝክርያቶም ቀዳም ዲብ ለአጀድዶ፡ ለሀይክል መልህዮም ህለ ዲብ አካነት ታሪክ ዲብ ሰወር እንዴ ነስአው፡ አስክለ እግል ፊቃዶ ዝክርያት አጅያል ሰውረት ማሌ ወዐማር

ገኣነ። ከሊመት እግል ለሀብ ክም መጽኢ፡ “እለ መስከብ ሹሀዳነ ላቲ ተምሳል ዲቡ ለሸቁኩመ ሸቅል እብ ፍንቲይ፡ እት ዐማር ወመዳፍዐት ወጠን ለትአወቅወ ህዩ እብ ዓመት ዲቡ ዐጅብን ዲብ እንሸሬሕ፡ መሕበር ተዓውን መናድሊን 70.16፡ ምስል ቅዋት ድፊዕ እብ ቡ ተ መቅደረት ሕድድት፡ ክል ዶል ምስል ፍራስ ዐማር እግል ልውዐል ዎርት ምን ስታቲባቲ ቱ” እት ልብል፡ አትአማር ምስለ መሕበር ገዳይም ወደ።

ኣቤ፡ ምድር ላምዘ፡ ዐደምዘማት፡ ሰሓርቲ፡ ዐዲ-ሐወሽ ወድዋራቲ ብዕድ፡ ስትራተጅያይ ሰበት ቱ፡ እት ሰነት 1977፡ አስመረ እት ክርዶን ዲብ ዐለት እቲ ወክድ፡ ዲሸ ደርግ ሰውረትን እግል ለአብዴ ዲብ አትበገሰዩ፡ ሰዳይት ገዛም ምን ድወል ካርጅ እንዴ ረምቀ ለአግረህዩ ሰለሕ እት መቅጠኖም ለአተጽሀው ፍራስ መናድሊን ሰውረት ኤረትርዮ ምን ክልኢቲ እትጅሃት ጅብህት ሸዕብየት ወጀብህት ተሕሪር ለትቃበረው ዲቡ ረወሪት ቱ።


ጅሚዕ መሕመድ ጅሚዕ፡ ዎሮ ምን እት ሸቅል ክስኣም ለህለው አንፋር ክፈል ዲሸ 19 ቱ። ህቲ፡ “እለ ሸቅል እግል ሹሀደእን ገብእ ለህለ ሰበት ቱ፡ እምበል አማውር እብ ምራድ ኖስ ለእንሸቅዩ ዲቡ በዜሕ፡ ሹሀዳነ እለ ዮም ንትለወቅ ዲብ ለህሌነ ሕርየት ሀበውን ከፍዛህ ገኣው። ሰበት እለ፡ ተምሳሎም እብ ሕሸመት እት ሸንን ወዲብ እንደርስ ምኑ ጀላብ እግል ንንበር ብጉላም እቲ ህሌነ” ቤለ።

ደብሩ ክዳኔ ህዩ፡ ሚርሓይ ፈሰለት እት ሸቅል ብነ ተምሳል እት ገብእ፡ ህቲመ “ለሸቅል ምን ነኣነብቲ ወክድ ብዘሕ ዋዴ ህለ፡ እለ ህዩ ለመሸሮዕ መትደጋግ ብዘሕ ሰበት ጠልብ ቱ ድኢኮን፡ በዲር ወአትመምናህ ዐልኑ፡ ለበዝሐ ወራታት ሐወሾት ከሌብ ወሸቲል ሰበት ተመ፡ እት ደረጀት አትጋራም ዕዱያም ህሌነ” ልብል።

ምሕረትአብ ሀብቲ ህዩ፡ “እትለ ሸቅል መሻርካይ ምን ገብኦት ሐበን ልትሰመዐኒ፡ አርደት ወሸዐበ እግል ኢልትከዮዶ፡ ሹሀዳነ ለቀሌት ርሐም ቤዘው፡ እለ ንትነሸው ለህሌነ ሸማል ሕርየት ቅዱይ ህዩ፡ ዐውል ዓጭሞም ቱ፡ ቅረዲቶም ህዩ ፊራሮ እት ሸቅል ዐማር ተ” ወሰከ።

አንፋር ከፈፍል ዲሸ 70 ወ16 እት ሰለስ አካን በህለት ጋዴን፡ ደቀምሐሬ ወዐዲሐወሽ ልትሸቁ ለህለ ተምሳል ሹሀደእ ወበራምጅ ዐማር ብዕድ እግል ልርአው ወሰብ ኬወ ፍራስ ቅዋት ድፊዕ እግል ልሰጅዮ ቱ ለትበገሰው። ኩሎም ህዩ 300 ለገብእ ቶም።

ኣነ ለዐልኮ ዲቡ ደንበር ህዩ፡ እለ ናይ ዐዲሐወሽ (ተምሳል



ኢዮብ ፍላሃጼን



ጅምዕ መሕመድ ጅምዕ




ደብሩ ኪዳኔ



ምሕረትአብ ሀብቲ

ላምዛ-ሰሓርቲ) ቱ ድኢኮን፡ ዲብ ደቀምሐሬ ወጋዴንመ ለሒሰት ዝክረት ወሐበን ምን እለ ወለዐል ናይረት ክም ዐለት እቲ ለሻረከው ሰሕዩዩን መልህያምዩ ወሰፊው እዩ።

እት ሄላት ሕድርኖት ሰብ ወቀይ ቅዋት ድፊዕ፡ ምን ውቁላም ሰብ ሰልጠት ሕኩመት፡ ቃድድ ቅያደት ምግብ ብርጋደር ጅንራል ተክሌ ክፍላይ ውሓክም አቅሊም ዐንሰበ ሰፊር ዐብደለ ሙሰ ለብኡቶም ሰብ ሰልጠት ሕኩመት ወቅያዳት ዲሸ ሓድራም ዐለው።



መጠን የደህንነት ስርዓት ከግርክነት

የምጥጥን ነዋሪ ኮበሪት እግር ኤራትር። ለሐልፊት ሰንበት-ዐባይ 4 ማየቱም እብ አርበኛ ትልህ እት ስታድዩም አስመረ አተላለ።

እስልፍ ሳዐት 8:00 አሰቦሕ እት ሐልፊያ ሰለሰ ትልህሆሁ እንዴ ተወውት እብ ሴዕ ንቅጠት ታማት መሬሕ ለሀሰ አስመረ ቢረ። ቅብላትላ ሐቲ ዶል ለትወውት ፈሪቅ ዐንሰበ ተልሀ። ፈሪቅ ዐንሰበ። እት 18ይት ደቂቀት እብ ብንያም ዮናስ ለረክበው ጎል ሕሳል ማርሒት ተአልበጠ። መተልህያይ አስመረ ቢረ ምስግና አለም ላኪን። ለልዓድሎም ጎል እንዴ አተ። ክልኢቲ ፍረቅ 1-1 ዕርፍ ፈግረ።

ካልኣይ ሾት ትልህ። እስልፍ ሪንሌ ለሰሐተ ፈሪቅ ዐንሰበ። እብ ፍትሒ ሐሰበለ ጎል አተ ከኣዜመ ማርሒት ጸብጠ። አጊድ ህይ ዎሮ ምን አግደ መተልህያት አስመረ ቢረ ላቲ ፋንኤል አሰፈሃ። ጎል እንዴ አምጸኦ። ለትልህ። ክም ትትዓደል ወደዩ። ወእብሊ ትልህ። 2-2 ተመት።

ደርቦም አልተሕረር ወናይ ቅብለት በሐር ቀየሕ ፈሪቅ አፍዐበት ተልሀው። ለሐቲ ዶል ደሮን ወካልኦ ቅሉብ ለዐለ አልተሕረር እዴ ለዓለት አርኦ። ቀደም ዕርፍ እብ ማርን ዐንዶም ወእብራሂም መሐመድ። ወእት ካልኣይ ሾትመ። እብ ሐዲስ እብ



እብራሂም መሐመድ። ወደብ ፍሰሃይ። መሐመድ አንዋር ወእፎይ አብረህ እብ አተወ እሎም አግዋል ህይ እብ ፋይሕ 6-0 አልተሕረር ቀልቡ።

ለሳልስ ትልህ። ፍንጌ ፍረቅ ደንደን ወአልህላል ገብኦት። እለ ምን ሰልፈ አስክ ካቲመ ዝላም ለታሌተ ትልህ። ጥልት። እዴ ለዓለት ምስል ናይ ምግብ ፈሪቅ ደንደን ዐለት። ፈሪቅ ደንደን ምን ማርን ዐብዱ ወሚሮን አለም ሰልሰለስ ጎል። ወምን ሴም መድሕን ወዲሸን ግብጻዊ አርኦሮ ጎል እንዴ ሰጅለው። 8-0 ጠወተ።

ራብዐይይት ወኣክራይት ትልህ። ፍረቅ ጋሽብርክ ወግብለት ትዋጅህው ዲቡ። እለ ፈሪቅ ጋሽብርክ ምን ሐልፈት

ትልህሆሁ ለሐሰ ሐሰሳይ ለአርኦ ዲብ ትልህ። ሳምሶም ገብሬዋህድ እብ አተዩ እሎም ጎል ለመርሐው ላቲ ፈሪቅ ግብለት ዐለው።

ጋሽብርክ ህይ። ምን አይመን ጣህር ጎል ሰበት ረክበው። ሰእየት ወደው። ምናተ ትልህ። እግል ትትመም ክም ትቃረበት። ፈሪቅ ግብለት ሄኒክ ህይሌ ጎል ሰበት ደግመ እሎም። 2-1 እንዴ ቀልቡ። እብ ሐዲስ ዲብ ገበይ ዐውቲ አቅበለ።

ማሌ አተላተ ምን ገጽ ፈጅርመ ለትልህያታት እት ሚዳን ቺፔሮ ምን ሳዐት ሰማን እንዴ አንበተ። አልተሕረር ምስል አስመረ ቢረ። ዐንሰበ ምስል አፍዐበት። ግብለት ምስል ደንደን ወበሐር ቀየሕ ምስል ጋሽብርክ ተልሀው።

ከጊዜ - ትልህያት ከበጋት እግር አዋልድ ልቲላሌ



ሚርሲ ፍረዝጊ ሓይሰት ግመ

ጅግራታት ካልኣይት ደውረት የምጥጥን ኮበሪት እግር አዋልድ መዲነት ከረን። ማሌ ለሀ ሰንበት ዐባይ እትሉሉይ ዐለ። ሰልፋይት ትልህሆሁ ህይ ፍንጌ ዳሕያት 01 ወ03 ገብኦት።

እዳረት 03። ደሊና ርእሶም እብ አቲቲ እለን ጎል እግል ዕርፍ ማርሒት ወፋርሒት ዲብ እንተን ፈግረዩ። እት ካልኣይ ሾትመ። ደሊና እግል ፈሪቅ ወረሐ ካልኣይ ጎል። ወርሻን አርኦየ ሳልስ ጎል እንዴ ወሰከዩ። 3-0 ተወውተዩ። ፍርዶስ ዑመር ምን ፈሪቅ 03። ለሐሰት መተልህያይት ናይለ ትልህ። ነሰኦት።

ደርቦን እዳራት 06 ወ04 ተልህ። 04 ህይ እብ ሚርሲ ፍረዝጊ ጎል እንዴ አተዩ ማርሒት ተአልበጠዩ። በኺተ ተወልዱብርሃን እት አክር ደቃይቅ ትልህ። ጎል እንዴ አቲት እለን ህይ 2-0 ዳሕየት 04 ተወውተዩ። ሚርሲ ናይለ ትልህ። ለሐሰት መተልህያይት ረክበት።

እምበል እሊመ። እግል አርበኛ ሰነብት ለልአተላሌ ጅግራታት ሾሊዶል ካስ ሕርየት መዲነት ከረን አንበተ። እትሊ ጅግረ። ሴዕ ፈሪቅ ናይ ውላድ ወሰማን ፈሪቅ አዋልድ ናይ ተሰፍያት ጅግራታቱ

ወዴ ሀለ። ምን ውላድ ፍረቅ ላልምበ ወዘረ እንዴ ተልሀው። ላልምበ 3-1 ተወውተው። ምን አዋልድመ ላልምበ ወመስሐሊት ግራሱሩት እት ልተልህ። ላልምበ 3-0 ክም ቀልቦዩ ምን ከረን ለበጽሐተን ሐብሬ ተአፍህም።

ፕሪመርሊግ ዲብ 35ይት ሳምንቱ

እሊ ምውሰም 2024/2025 እግል ለአትምም ሰለሰ ትልህ። ሌጠ ለተርፊያሁ ፍረቅ ፕሪመርሊግ። ለሐልፈ ሰነብት ወአትኒንመ ጅግራታቱ ዋዴ ዐለ። ከቃልብ ወቅሉብ ለገብኦ ፍረቅ። ማንቼስተር ሲቲ እግል ምልሸስ 1-0። አስቶን ሺሊ እግል ፋልሃም 1-0። ሌሴስተር እግል ሳውዝንተን 2-0። ቦርኔማውዝ እግል አርሰናል



ብሬንትፎርድ (4-3) አርሰናል

2-1። ብሬንትፎርድ እግል ማንቼስተር ዩናይትድ 4-3 (ለሐሰት ትልህ። እለ ሳምን) ወቼልሲ እግል ሊቨርፑል 3-1 ሳርሐዎም። ለዓደለ ፍረቅ ህይ። ክሪስታል ምስል ኖቲንግሃም 1-1። ዌስትሃም ምስል ቶተንግም



ቼልሲ (3-1) ሊቨርፑል

1-1። ብራይተን ምስል ኒውካሰል 1-1። ክምስልሁመ ኤቨርተን ምስል ኢፕሰዊት 2-2 ትፈናተው። ምን እሊ ፍረቅ ለደዓም እት ደረጃት ፕሪመርሊግ ትውቀለ ንኡሽ ፈሪቅ ኖቲንግሃም። ሰብይት

ደረጃት ምን ትራተብ ክብር ወሕሽመት ለትአስትህሉ ፈሪቅ ትሩድ እት እንቲ ለአብህዝ ሀለ።

ሰብረት ንቀጥ ፕሪመር ሊግ	
1, ሊቨርፑል	82 ንቅጠት
2, አርሰናል	67 ንቅጠት
3, ማንሲቲ	64 ንቅጠት
4, ኒውካሰል	63 ንቅጠት
5, ቼልሲ	63 ንቅጠት
6, ኖቲንግሃም	61 ንቅጠት



እቲ ህንዲ ናይ 2^ይ ደረጃት ደረሰብ ኡዳም ለቲጽዕን ደርን ሸቀ



እቲ ህንዲ እቲ መድረሰት 2ይት ደረጃት ሺንድያ ግዋሎር (Scindia gwallor) ለደርስ ደረሳይ፡ መንደሊን ትሪቪዲ፡ ኡዳም እንዲ ጸዕነት ለትሳፍር

ሰዋግ ለኢተሐዜ ዋያረት/ድሮን ሸቀ። እሊ ደረሳይ እሊ ለእሊ ሸቀ ድሮን ኦሮ ነፈር ለትጽዕን ብቅዕት ምህዞ ክምተ ወደሐ። መንደሊን እብ ክሰሱ እሊ

ምህዞ እሊ እተ ሀበዩ ሐብሬ፡ ቀደም 5 ሰነት እት ወቅት ኮሮን በርናምጅ እንዲ አፍገረ ሸቅሉ ክም አንበተ ለአፍህም። ህቲ እሊ ሸቅል እሊ እግል እሸቁ ምደርሰዬ አትናየቴኒ ልብል። መንደሊን ምን ንእሹ ንዩት ናይ ጠየሮት ዋያራት ክም ዐለ እሊ፡ ወምስል ዘበን ሸንህቲ እት ተዐቢ ወትጠወር ክም መጽት፡ ወእት ደንጎበ እብ ሰዳይት ዋልዴት ሕልሙ እት ሐቂቀት ክም ቀየረዩ ወዴሕ። ለእሊ ሸቀ ድሮን ኦሮክ 6 ደጊጎት እግል ቲጠር ክም ትቀድር ልትሸረሕ።

ሀደፍ ናይ እሊ ደረሳይ፡ ለድሮን ምን ክልኡት ነፈር ወለዐል ለትረፊዕ ወእት ረዩም አማክን ለትበጹሕ እግል ትግበእ እግል ልክደም ክምቲ እብ ድግማን ሸርሐ። እሊ ሸቅል እሊ ምስል ብዘሓም ክም አትአመራቲ ውበዞሕ ጃኢዛት ክም ረክበ ምን ለአፍህም። እት ደንጎበ፡ እሊ ምህዞ እሊ እግል ዝያድ በሐስ ወመትቀዳም ዝያድ መወሎት ክም ለኡትሐዝዩ ወደሐ።

ገቤ ምን ዐዋዲ ቀዳምያም ምስርዩን

ቀዳምያም ምስርዩን፡ እሊት ውላድ ህለ እሊ መኢፋሉ እግል ለኡምሮ ለልኡትፈክር ገበይ ፈሐስ ልትነፍሶ ክም ዐለው ልትሀደግ። ለፈሐስ እብ ዘርእ ሸዒር ወሸንራይ ወድወ ክም ዐለው ልትሸራሕ። እሊ አሰሉብ እሊ እት ሰኒን ቅዱም (ሰነት 1350BC) ልትነፍሶ እቡ ክም ዐለው ወድሐ።

እሊ ፈሐስ እሊ ሸን ማይ ናይለ እሊት እት ዘርእ ሸዒር

ወሸንራይ እንዲ አሸተረው እግል ገሌ አምዴላት ለአጸንሕ ወ። ምን ዘርእ፡ ዘርእ ሸዒር በቅለ ምን ገብእ እሊ እሊት እሊ ሕጻን እግል ትውለድ ቲ ልብሎ፡ ወዘርእ ሸንራይ በቅለ ምን ገብእ ህዬ፡ እሊ እሊት



እሊ ወለት እግል ትውለድቲ ልብሎ። ለዘርእ ክልኢቲ ኢበቅለ ምን ገብእ ለእም ዐምሳት ይህሌት ለልብል ፍክር ክም ዐለ እግሎም ልትሸረሕ።



መዕሉማት

- ክርን ምን እት ሀወእ እት ማይ እብ ሸፋግ እግል ትጊስ ትቀድር።
- ደመሚት ምን 100 ወልዐል ጅንሰ አክራን መልክ እት ህለ፡ አክላብ ላኪን 10 ጅንሰ ክርን መልክ።
- ወለት ቤት (ዐንጸይ) እት ጅወ ማይ አሰክ 3 አምዕል እግል ትጊስ ትቀድር።
- ፍሬ ናይ ትፋሕ ስሙምቲ ልትበህል።
- ሐንገሎም ዘኪ ላቶም አንፋር ብዘሕ ዚንክ ወተፐር ህለ እግሎም።
- አንሳት ሀንደጎት ልበን ምን ውላድ ተብዕን ወልዐል ደብጥ።
- ሐርማዝ አንሰይት ምቅርብ እት እንተ 2 ሰነት ትወዴ።
- በናን 75% ምን ማይ መልክ።
- ተቅዩር ጅወ እግል ዕንቦበ ሕብሩ ክም ቀይር ወዴ።
- ጊም(ደበክ) አሰክ ሚልዮን ቶን ልትመዘን።
- ሐንገልኒ ክል ዶል ኖስ ኖሱ ሕድ በሌዕ።
- ድሙ 10%ምን ዓጭሞታተ እት ዘክበ ልትረከብ።

እናስ ብሪጣን፡ እንዲ ኢደሌ ሰርቀት ምን ለዐለት ዐረብዩቲ ልትህበ

ወድ ብሪጣንያ ላቲ እናስ ለእሊ ትህበ ዐረብዩት ቀደም እሊ ሰርቅት ምን ለዐለ

ት ዐረብዩቲ ዲብ እንተ ክም ጸንሐቲ አከደ። እሊ ኢዋን ሻለንት ለልትበህል እናስ ምን ኢንግላድ ክም ቲ እት ሸርሕ፡ እትለ ሰነት ጎን እት ዮም 28 ፌብረዋሪ ምሴ ዐረብዩቲ ምን እብጡረ እት ለዐለ አካን ክም ትሰረቀት ወእግል ልርከበ ክም ኢቀድረ ሸርሐ።

ለዐረብዩት ክም ርኤክወ ምስለ ዐረብዩቲ ብዘሕ ለልኡትሻብህ ትምስል ምንመ ዐለ እቲ፡ ለሊጅንሰት ምን ናዩ ፍንቲት ዐለት። እብሊ ህዬ አሰክ ኢትህበኩወ እግል እትአከድ ኢቀደርት ልብል። ምናተ ሐቀ ትህበዩ እት ጅወተ ብዘሕ ናዩ ላቲ ሓጃት ክም ውራቅ ውበዕድ ክም ረክበ ወእሊ ህዬ ዝያድ እግል ልትአከድ ክም ሳዐደዩ ወደሐ።



ገቤ ምን በህክ

- ለዐበ አምር እግል አርወሐትከ አመሮት ቲ፡ ምናተ ለቀለ ምን መድረሰት ለእንረክቡ አምር ቲ።
- ለሐስ ወግርመት ለልሀይብ አማክን፡ አማክን ሃድእ ቲ።
- እግል ዓፍዩት ኔፍዓይ ላቲ ወለረክሰ ማይ ቲ፡ ምናተ ለቀለ ወእግል ዓፍዩትን ዴራይ ላቲ ከምረት ቲ።
- ምን ለዐል ክሉ ምህም ላቲ መንበረት ሐቀ ህዳይ (ሐዳር) ቲ፡ ምናተ ለቀሌት መናሰበት ህዳይ ቲ።

5 ፍንቲት ርክብ

